

Fiscal a existi castigo combina pa homber sospecha di a haci actonan immoral cu yiu muher di su pareha

Alex ta luchando pa recupera y ta mustrando avance significativo

ORANJESTAD (AAN): Alex Flores, e mucha homber di 5 aña cu su caso a conmociona Aruba 3 siman pasa ora cu a haya sa cu el a wordo laga cera den un auto bao temperaturanan halto, ta mustrando progreso den su lucha pa recupera. Despues di un episodio grave di 'heat-stroke', e ta respondiendo positivamente na su terapia na Colombia. Comunidad ta keda uni, cu fe y speransa pa su recuperacion completo. *Mas informacion riba pagina 2.*



Azriah Palm, di CVA:

CVA ta ricibi informacion den comunidad cu hopi hende ta hayando stroke

**Aña pasa a registra 202 caso cu a coincidi cu cifra di Hospital*

ORANJESTAD (AAN)-- Azriah Palm, di Fundacion CVA, den entrevista cu Matutino DIA- RIO a menciona cu na Aruba, aki aya, ta CVA ta ricibi informacion cu hende cu ta hayando ataca cerebral.

"Kiermen, bo ta cana den comunidad y tin hende ta bisa bo cu tal, tal hende a haya stroke. Pero ainda tin hende ta bruha ataca cerebral cu ataca di curazon, cu nan ta yam'e stroke. Pero pa añanan caba nos ta haya cifranan di ambulance. Aña pasa, den un di nos conferencianan, e cifranan tabata 202 caso, cual ta coincidi cu local Hospital tambe tin", Azriah Palm a menciona. El a agrega cu e ta spera cu e aña aki e cifranan ta baha, pero mirando e calor cu tin y cu hendenan ta birando malo, cu ta fayece diripiente, y ta bira momento pa conoce kico ta e causa, pasobra nan por bisa cu ta morto natural of di curazon, pero nos por ta mas specifico cu esey? "Datonan ta hopi importante, pasobra si bo tin dato bo por muera e comunidad si nos ta bayendo bon, of nos ta bayendo malo" Palm a señala.



Segun Hubert Dirks di Compra LTD:

Prijs di productonan fresco manera fruta y berdura por subi substancialmente

**Desaroyo mundial ta hopi negativo pa seguridad y prijs di cuminda*

Cuerpo Policial Aruba satisfecho cu por a brinda seguridad pa Rey Willem-Alexander sin niun incidente

ORANJESTAD (AAN): Cuerpo Policial Aruba tabata den preparacion algun tempo caba pa yegada di S.M. REY WILLEM-ALEXANDER. Tabata tin basta preparacion tanto interno, logistica, maneho, seguridad tambe introduccion di tecnologia avansa pa e cobertura di seguridad policial maximo pa S.M. REY WILLEM-ALEXANDER. Na momento cu S.M. REY WILLEM-ALEXANDER a toca suela di Pais Aruba, KPA tabata bon prepara y ekipa cu visibilidad tur caminda pa e seguridad.

Ariba nos dia nacional di 18 maart, tur personal tanto agentenan policial y personal administrativo tabata riba pia for di oranan di mainta trempan te cu anochi laat. Bou guia di un grupo special y profesional di polis dirigi pa Comisario Adrick Croes, tabata coordinando y vigilando e seguridad maximo tur momento pa S.M. REY WILLEM-ALEXANDER. Tanto practico, informacion y uzando tecnologia avansa e grupo aki tabata tin un bista amplio di loke tabata pasando riba Aruba y tambe tur paso cu tabata tuma lugar.

Riba tera, lama y den aire nos tabata tin diferente unidad cu tabata brinda e servicio di seguridad pa S.M. REY WILLEM-ALEXANDER y pa nos comunidad. Un coordinacion estricto, pisa pero bon planea cu tur colega policial envolvi, nos por ta orguyoso



cu desde momento S.M. WILLEM-ALEXANDER a toca suela di Aruba te na momento cu el a bandona Aruba no tabatin niun incidente pa cu e seguridad nacional. E esfuerso y profesionalismo di cada un colega a resalta y

nos ta satisfecho pa bisa cu Cuerpo Policial Aruba por wak bek cu nos a brinda e maximo seguridad cu resultado exitoso! pa S.M. REY WILLEM-ALEXANDER, esaki no tabata posibel sin tur e personal di KPA.

Di situacion critico pa speransa:

Alex ta luchando pa recupera y ta mustRANDO avance significativo

**Mucha di 5 aña a keda lubida den auto cera bou di calor extremo*

**Caso a conmociona Aruba profundamente*



ORANJESTAD (AAN): E mucha homber di 5 aña cu a bira victima di un caso grave di *heat-stroke* na San Nicolas, despues di 3 siman di e sucedido lamentabel, ta mustRANDO señalnan positivo di recuperacion despues di a wordo transporta cu Air Ambulance pa Bogotá, Colombia, pa tratamento medico specialisa.

Segun informacion recien, e estado di salud di Alex Flores a mehora significativamente den e ultimo dianan. Su mayornan ta confirma pa medio di un video publica riba red social cu e proceso di recuperacion ta bay den un direccion satisfactorio, aunke e ta keda bou di observacion pa preveni cualkier complicacion.

Den e video por mira Alex hunto cu su mayornan den su proceso

di rehabilitacion. Den e video, e criatura ta mustRA movimiento y reaccionnan positivo como resultado di e terapia cu e ta hayando, loke ta un señal importante di progreso despues di e situacion critico cu el a pasa aden. E caso aki a conmociona Aruba profundamente, despues cu e mucha a keda lubida den un vehiculo cera bou di calor extremo, resultando den un *heat-stroke* severo cu a pone su bida den peligro. Despues di tratamiento inicial na ImSan y mas despues na Dr. Horacio Oduber Hospital, a dicidi pa transferi e mucha pa Colombia pa cuida mas avansa.

Caso: riba un dia hopi cayente di Diamars 25 di februari, e mucha homber di 5 aña a keda lubida den un Van di transporte di un Crèche



despues di scol. E chauffeur a staciona e vehiculo, cera tur porta y bentana, sin percara cu e mucha tabata sinta patras. E criatura a keda cera den calor extremo pa mas di un ora, unda temperatura den e auto por a yega te 50–60°C,

causando un *heat-stroke* severo. Su condicion a bira critico, cu daño na organonan y problema cu curason.

Mas laat e tata a yega pa busca su yiu, y ora nan a realiza cu e mucha no tabata paden, nan a hay'e den e Van, ya sin tino. E

mucha a wordo hiba rapidamente pa Servicio di Emergencia na ImSan, unda dokternan a traha duro pa stabilis'e.

Despues, cu ayudo di polis pa habri caminda, el a wordo transporta pa hospital. Su condicion a keda critico den ICU, y posteriormente nan a mand'e cu Air Ambulance pa Colombia pa tratamento mas avansa.

Autoridadnan ta sigui investiga e sucedido, mientras cu comunidad ta keda uni den apoyo na e famia. Hopi hende a expresa alivio y gratitud pa e progreso di e criatura, y ta sigui manda nan bon deseo pa un recuperacion completo.

The Aruba Ports Authority N.V. is publicly tendering: Repair & Paint Works Roof Sections Terminal 1.

According to the tender document: OPEX PROJECT APA-PFAU-15-25

Short Project Description

The project consists of the following activities:

- Restoring the protective layer of the Main Roof through thorough comprehensive surface preparation and the application of a high-performance, salt-resistant silicone roofing system.
- Fully replacing the deteriorated roofing systems on Canopies A, B, and C with new structural plywood, waterproofing membranes, and UV-resistant coatings, while ensuring watertightness, thermal performance and long-term durability.

The tender documents will be available from **March 23, 2026, up to March 26, 2026**, at the main office of the Aruba Ports Authority N.V. or via E-mail against a payment of **Afl. 250.00**.

The request for the tender document must include proof of transfer in the requesting e-mail. Note that the cut-off time for receipt of request and proof of transfer is **March 26, 2026, at 4:30pm local time**.

Bank Information:

Beneficiary: Aruba Ports Authority N.V.

CMB: 15267105 | **Aruba Bank:** 128710 | **RBC:** 7700000030549428

Description: TOR project nr: APA-PFAU-15-25

For additional details of this tender, visit
<https://www.arubaports.com/main/repair-paint-works-roof-sections-terminal-1/>
or scan this QR code.



Segun Hubert Dirks di Compra LTD:

Prijs di productonan fresco manera fruta y berdura por subi substancialmente den e proximo simannan

**Desaroyo mundial ta hopi negativo pa siguridad y prijs di cuminda*



ORANJESTAD (AAN): Segun Hubert Dirks di Compra LTD, e desaroyonan mundial ta hopi negativo pa siguridad y prijs di cuminda na Aruba como un isla cu ta depende totalmente di importacion. Den un entrevista recién, el a splica cu nos ta importa via barconan, y barco ta uza combustibel. Y prijs di com-

bustibel ta subiendo cada dia. Y mas e prijs subi, mas caro e prijs di cuminda ta bay ta. Tambe señor Dirks ta cuestiona si lo haya tur producto cu kier importa. Esaki, segun e, ta pa motibo cu cierto momento por bin scarcedad y Aruba lo tin pa paga e prijs mas halto door cu nos ta importa hopi menos compara cu



Departamento di Asunto Social ta lansa encuesta 'Satisfaccion di Cliente'

ORANJESTAD (AAN): Den cuadro di e trayecto di e certificacion di Organizacion Internacional pa Standarisacion (ISO), Departamento di Asunto Social (DAS) ta continua trabou activamente riba mehoracion continuo di e departamento y su servicionan. ISO ta un sistema di standarisacion reconoci mundialmente, cu ta establece criterio pa diferente aspecto di operacion di un organizacion, manera e calidad di servicio, proceso interno, maneho di informacion y seguridad. Pa medio di e proceso aki, organisacionnan por evalua y mehora con nan ta traha, cu e meta di ofrece un servicio mas eficiente, confiabel y transparente na e clientenan.



Un parti importante di e trayecto aki ta scucha e opinion di e clientenan. En conexion cu dia internacional di trabou social, ariba 17 di maart 2026, DAS ta lansa un encuesta dirigi especificamente na clientenan bou di e titulo "Satisfaccion di Clientenan". Cu e iniciativa aki, DAS kier haya un mihor comprension di con clientenan ta experencia e servicionan cu nan ta ricibi

for di DAS. E opinion y experiencia di e clientenan ta di gran importancia pa identifica kico ta funcionando y unda tin espacio pa mehoracion pa responde mihor e necesidad di nos clientenan. E encuesta titula "Satisfaccion di Clientenan" ta disponibel den dos idioma: Papiamento y ingles. E encuesta ta consisti di 21 pregunta y ta tuma aproximadamente 10 minuut pa por completa. E encuesta lo ta habri desde 17 di maart t'e cu 31 di mei 2026. Participacion den e encuesta ta completamente voluntario. Tur opinion ta ser trata cu confidencialidad y lo contribui directamente na e proceso di mehoracion continuo di e departamento.

paisnan hopi mas grandi.

Segun e, e silencio di Gobierno riba e tema aki tambe ta preocupante. Den caso cu e situacion escala, mester bin cu un plan di emergencia si cos bay malo, pa sa con pa ataca e situacion.

El a menciona cu Gobierno no mester solamente papia riba 'Food Safety' pero di 'Food Security'. Esaki ta encera pa Aruba ta prepara cu pa un tempo largo, tin cuminda suficiente pa pueblo. El a remarca cu el a pone esaki na atencion di Gobierno varios biaha, sinembargo, no ta haya oido.

Dirks a menciona un lista di algun producto cu segun e, lo sinti e efecto di subida di prijs mas lihe. Entre otro fruta y berdura fresco fresco cu ta bin di Miami tur siman. Esakinan ta wordo transporta

for di California pa Miami cu truck cu ta uza combustibel. Si combustibel subi, carga ta subi, prijs tambe lo subi aki na Aruba. Carga por subi hasta bira dobel pa motibo cu combustibel ta subi. "E tin un 'snowball effect' cu sigur productonan fresco por subi substancialmente den e proximo simannan", señor Dirks a enfatisa.

Segun e, productonan cu ta bin di mas leu entre otro for di Brazil, lo por subi mas ainda mirando cu prijs di combustibel ta subi. El a expresa cu lo bin cambianan den futuro y mester tene cuenta di e inflacion cu lo bin pasobranos ta importa inflacion door di paisnan for di unda nos ta importa cu mester subi nan prijsnan primeramente pa motibo di e situacion mundial actual.

Sharine Croes-Dubero Departamento di Enseñansa

Deadline pa registra pa un cuenta di Arubalening ta diamars 24 maart

ORANJESTAD (AAN): Departamento di Enseñansa (DEA) durante luna di maart ta trahando riba peticionnan digital pa Arubalening. Sharine Croes-Dubero di DEA a duna informacionnan con pa haci esaki. Studentenan mester registra prome den e portal di Arubalening na www.ea.aw pa un cuenta di Arubalening. Dia 24 di maart lo ta e ultimo dia pa registra. Despues cu e registracion keda aproba, mester load tres documento, esta persoonsnummer, papel di 5 florin y papel di 10 florin di Censo. Na momento cu e tres documentonan ta aproba, por haci peticion digital pa sigui studia sea na Aruba mes of



na cualkier pais na mundo. Deadline pa haci esaki ta dia 31 di maart. Señora Croes-Dubero a remarca cu pa e aña aki, te cu awo tin 150 peticion pa internacional y 18 peticion pa Aruba. Aña pasa tabatin 603 peticion en total di cual 342 a keda otorga. E ta encurasha tur estudiante cu ta den examen klas, hasta si nan no ta sigur cu lo slaag

of no, pero tin pensa di sigui studia sea na Aruba of afo, pa cuminsa cu e proceso di peticion mas lihe posibel prome cu e fechanan di vencemento mirando cu no tin mucho dia mas. El a subraya cu e deadline ta mara na ley por lo tanto no por desvia for di esakinan facilmente pero lo mantene na e reglanan aki. Señora Croes-Dubero a informa cu studentenan cu ta sigui studia na Aruba mes cu ta bin na remarke pa Arubalening ta esnan cu ta sigui IPA, Universidad di Aruba, EPI (Studentenan cu ta sali di Mavo y Havo) y Xavier University (bachelor den enfermeria).

Diahuebs tabatin 'tsunami training' sin cu a informa comunidad debidamente

ORANJESTAD (AAN): Por a tende algun reaccion den comunidad indicando cu e biaha aki, Crisis Management Office (CMO) a realiza un 'tsunami training', y a bin scucha sirena y diripiente algun medio a cuminsa publica informacion tocante un alerta sin cu a informa comunidad, y parece tampoco prensa di antemano cu a training aki ta bay tuma lugar.

Esaki sigur ta algo cu mester sosode pa no spanta hende cu por bay den panico innecesario, un persona a comenta.

Por a mira na algun localidad personanan cu tabata puntra nan mes kico tabata pasando.

Ta di spera cu pa un proximo training, CMO por emiti alomenos un comunicado di prensa pa asina comunidad completo por ta debidamente informa.

Riba mesun dia, Prensa a haya a un 'reminder' via chat cu e training ta bay tuma lugar, pero sin cu tabatin informacion previo disponibel pa asina por a trece e informacion aki dilanti pa pueblo.



Awo cu 2 florin mas, bo por gana e **MEGA PLUS**
***Afl. 540.000,-**
***Afl. 360.000,- + Afl. 180.000,- extra**



HUNGA AWO



Benta ta sera 7:30 pm y sorteo ta hunga 7:45 pm

Aunke cu Instituto Forence no a haya prueba

Fiscal a exigí castigo combina pa homber sospecha di a haci actonan immoral cu yiu muher di su pareha

ORANJESTAD (AAN): Diahuebs mainta e homber Colombiano biba na Aruba M. (44), tabata para riba cu e no a haci nada. Fiscal a exigí 180 dia di prison di cual 75 dia ta condicional cu 2 aña di prison.

ACUSACION

E acusacion cu Fiscal a presenta contra M. ta cu riba 6 Februari 2025, el a haci actonan immoral (mishi na e dama hoben A. su pia y su parti intimo) y a masturba riba e laken di e dama hoben A.

Den sala di Corte tabata presente e mama di e victima, kende ta pareha di M., y e victima a presenta mas laat. Abogado mr. Dijkhof a representa e victima A. pa haci demanda di daño inmaterial. Den e articulo aki ta publica tratamiento di e caso y e exigencia di Fiscal. Den un otro articulo ta publica e defensa di abogado mr. Mohamed. Asina lectornan tin un bista bon cla di e caso.

ACTONAN IMMORAL

Hues a bisa M. cu e ta wordo acusa di a haci actonan immoral cu e hoben A. M. a desmenti esaki. Hues a bisa cu A. a bisa cu e tabata drumi riba un sofa y tapa cu laken. El a bisa cu M. lo a bay eynan y mishi cun'e y a masturba riba e laken. Segun M., nada ta berdad y cu A. a amenace cu e lo bay percura pa M. perde su trabao. M. a bisa Hues cu e ta considera esaki un set up. Segun M., e dia ey e tabata drumi y ta ora cu Polis a bati na porta, el a lanta.

SOSPECHOSO TA NENGA

Hues a bisa cu e hoben A. a yama Polis y amigonan. El a haya ataque di panico. Segun M., A. ta sufri di problema



psicologico, "schizofrenie". El a bisa cu den pasado A. a wordo viola. Door di e problema mental, A. lo ta kere cu M. lo bay abusa di dje. M. a bisa cu e dia ey e tabata na e cas hunto cu su yiu di 5 aña den camber y A. tabata drumi den sofa den sala. M. a bisa Hues cu normal cu ora e mama bay traha, A. ta sali y no ta keda den cas cu M. Sinembargo e dia ey A. a keda den e cas. M. ta conclui cu aki ta mira cu ta algo cu A. a planea. El a bisa cu e no sa si e ataque di panico tabata un set up of no. El a bisa cu A. sa haya e ataque di panico mas biaha. El a bisa cu e tabata drumi y ora el a tende hende bati na porta, el a bay habri e porta y tabata Polis.

M. a bisa Hues cu hopi biaha A. ta acus'e di a abusa di dje y e pareha di M., e mama di A. ta desconfia den M. M. a bisa cu hopi biaha A. ta set up problema entre M. y A. su mama. A. ta yama Polis y ora Polis yega, A ta bisa Polis cu M. kier a abusa di dje. Ora Polis interroga A., e ora ey e ta bisa cu M. no a haci nada. **NFI NO A HAYA PRUEBA**

Hues a bisa cu miembro di Instituto Forence, a manda muestra di e liquido cu a haya riba e laken pa Instituto Forence na Hulanda (NFI). Investigacion ta muestra cu no

a haya sperma. Hues ta haya cu te asina leu, esaki ta confirma e declaracion di M. cu e no a masturba. Hues a muestra cu M. ta promer biaha cu e ta wordo persigui pa un caso asina pero tin un condena di maltrato di su pareha. Pa cu e situacion actual, M. a splica Hues cu el a muda cu e mama di A. na un otro cas y A. ta bibando den e cas cu su pareha actual.

VICTIMA A PAPIA

E victima A. a bisa Hues cu el a haya hopi miedo pasobra mira un sombra riba dje. El a sinti M. ta mishi cu su pianan y a masturba riba e laken cu A. tabata tapa su curpa cun'e. El a bisa cu el a haya panic attack na hospital y tabata hopi spanta. Su siguiente dia e por a bay cas y a haci denuncia contra M.

DEMANDA DI DAÑO

Hues a bisa cu e demanda inmaterial ta 5 mil florin y no tin calculacion di otro daño.

FISCAL A EXIGI CASTIGO COMBINA

Fiscal a bisa Hues cu Polis a bay na un cas na Piedra Plat pa un dama cu lo a wordo abusa. Polis a haya e dama hoben A. tabata hopi emocional. Segun e relato di Polis, A. a bisa cu M. lo a mishi cu su parti intimo y lo tabata masturba banda di dje. Fiscal a bisa cu e mama di A. a

haci denuncia y loke e mama a declara na Polis ta consistente cu e declaracion di A. Esey ta motibo cu Fiscal ta haya cu e declaracion di A. ta confiabel. Fiscal a sigui bisa cu Polis a haci investigacion biologico riba e laken cu A. tabata tapa su curpa. NFI no a haya sperma riba e laken. Na opinion di Fiscal, tin dos posibilidad. Tin e posibilidad cu loke A. ta bisa no ta berdad, of e posibilidad cu no ta asina cu M. a masturba. Fiscal a bisa cu no ta pasobra cu no a haya sperma pa definicion mester bisa cu e declaracion di A. no ta berdad. El a bisa cu mester busca otro prueba di sosten. Fiscal a muestra cu un tempo cortico despues di e sucedido, A. a sufri un ataque di panico y tabata grita histérico. Polis ta haya cu algo lo mester a pasa cu A. a actua asina. Polis ta conoci cu A. pa casonan anterior y ta promer biaha cu nan ta confronta un situacion asina. Fiscal a muestra tambe cu un amiga di A. a declara cu A. a yam'e pa

hib'e hospital y el a constata cu A. tabata hopi emocional. Fiscal ta haya cu esakinan ta pruebanan di sosten. Fiscal ta haya M. culpabel di a mishi cu e hoben A. Fiscal ta considera esaki, actonan immoral caminda a tacha e integridad di A. El a bisa cu esaki por causa cu A. lo por keda afecta pa hopi tempo. Pa cu e castigo, Fiscal a bisa cu e ta tene cuenta cu e tempo cu M. tabata sera relaciona cu e caso. E tabata 105 dia sera. Fiscal a exigí 180 dia di prison, di cual 75 dia ta condicional cu un tempo di prueba 2 aña.

Fiscal ta haya e demanda di daño inmaterial ta 5 mil florin y no por aproba e demanda. Na opinion di Fiscal, ta asina cu A. tabata patient di Respaldo y esey ta haci fastioso pa dicidi riba e demanda awor.

Hues, despues di a scucha defensa di abogado, a bisa cu e ta bay studia e caso y dia 9 April 2026 pa lo tin sentencia.

MAESTRO BENJAMIN

MAESTRO BENJAMIN, UN MAESTRO CU DI BERDAD TA PARA SUFRIMENTO.

Bishit'e abo mes! Maestro Benjamin ta sigui y caba cu e trabao cu otro a cuminsa na otro lugar.

- E ta kita bruheria, hechizos, daños y tambe e ta dera maldicion y salamientos.
- E ta cura y sana tur tipo di enfermedad manera artrosis, alzheimer, demencia, depression, diabetico, hipotiroidismo, osteoporosis, parkinson, insomnia y hopi malesa mas.

Abo mi amigo stima, cu ta sufriendo di bo prostaat of impotencia sexual, Maestro Benjamin tin e tratamiento pabo cu lo curabo den un tempo cortico.

"Mi ta cura problema di addiction di droga y alcohol y mi ta recupera bo ser keru sin importa tempo of e distancia."

No sufri mas den silencio pa tur problema tin un solucion y pa tur enfermedad tin un sanacion. Trabao ta 100% garantisa y den un poco tempo.

Yama awe mes of manda un WhatsApp na 641-4186 pa traha bo afspraak.

CEL/ 641-4186

Weekly SPECIALS

20 MRT - 26 MRT '26



Each
f16.99
Normal Price

Each
f11.99
Special Price

**STRAWBERRIES FRESH
1LB**



Each
f8.99
Normal Price

Each
f4.99
Special Price

**LETTUCE ICEBERG
WRAPPED**



Per KG
f8.99
Normal Price

Per KG
f6.99
Special Price

**AVOCADO
(AWAKATI)**



Each
f4.59
Normal Price

Each
f4.09
Special Price

**CHOBANI GREEK FLIP KEYLIME
CRUMBLE 5.3oz**



Each
f3.69
Normal Price

Each
f3.29
Special Price

**CHOBANI YOGURT GREEK BLACK
CHERRY 5.3oz**



Each
f8.09
Normal Price

Each
f7.09
Special Price

LA YOGURT WHOLE PLAIN 32oz



Per KG
f18.99
Normal Price

Per KG
f14.99
Special Price

U.S. PORKLOIN STEAKS



Per KG
f51.99
Normal Price

Per KG
f46.99
Special Price

**PREMIUM 1953 STRIPLOIN
BRAZIL**



Per KG
f17.49
Normal Price

Per KG
f14.49
Special Price

CHICKEN GYROS

*Promocion ta valido desde 20 di mrt pa 26 di mrt 2026 y tanten cu tin den stock.

**SUPER
Do it Center**

Parlamentario Evelyn Wever-Croes

Libertad no ta un regalo, e ta un responsabilidad

ORANJESTAD (AAN): Durante e reunion solemn den cuadro di Himno y Bandera den Parlamento dia 18 di maart, lider di fraccion di MEP a hiba un discurso relatando e historia, e presente y e futuro. “Awe nos ta celebra 50 aña di Dia di Himno y Bandera, y 40 aña di nos Status Aparte. Dos logro sumamente importante pa nos pueblo. E deseo di nos pueblo pa para riba su propio pia, tabata un deseo cu a wordo vocifera pa prome biaha na principio di siglo 20, ora miembronan di Raad van Politie a cuminsa alza nan bos contra e trato desigual cu Aruba tabata ricibi.

Den añanan 40, lidernan manera Henny Eman, Shon A Eman y Juancho Yrausquin a encamina e proceso y a reuni 2147 firma pa entrega na Hulanda riba 18 di maart 1948. Mi welo tambe tabata uno di esnan cu a firma. Su decepcion, mescos cu di hopi otro, tabata grandi ora cu despues di entrega di e firmanan, e lucha a wordo bandona. Te den añanan 70 ora Betico Croes a drenta e arena politico y a dedica su bida na realisa e anhelo di nos pueblo pa ta liber. Tabata un lucha tenas, un lucha duro, den cual hasta sanger a wordo derama.

Un pueblo cu kier ta liber, mester di su propio simbolon di identidad y libertad. Y asina, 50 aña pasa, nos a inaugura nos himno y nos bandera. Ami mes tabata den stadion e dia ey; un experiencia unico, yena di emocion y orguyo. Cu esaki, Betico Croes a dunar un dimension nobo na e fecha di 18 di maart, y Aruba a cuminsa celebra e fecha aki pa prome biaha, y awe pa di 50 biaha.

E lucha a continua y a bira mas intenso. Betico Croes y tur esnan cu a lucha hunto cun’e a wordo boycotia, nan a wordo humiya, tanto localmente como na Hulanda. Pero nan a sigui firme. Y asina, riba 12 di maart



1983, durante un Ronde Tafel Conferentie, e palabranan historico di e premier hulandes Ruud Lubbers a resona: “de kogel is

door de kerk”. Cu esey, caminda pa nos Status Aparte a wordo habri.

Aruba a logra su Status Aparte riba 1 di januari 1986, aunke cu e condicion cu independencia lo sigui riba 1 di januari 1996.

40 aña pasa, nos a bira pais. E anhelo di nos pueblo a wordo realisa. Pero e arquitecto di nos libertad, Betico Croes, no a biba pa mira e momento aki. El a entrega nos e yabi di e cas cu yama Pais Aruba, pa nos biba aden, cu e responsabilidad pa cuida y conserva loke el a logra.

Sinembargo, e lucha no a caba ey. Ainda tabata tin e condicion di independencia colga riba nos cabes, te

na 1993, ora Nelson Oduber a logra kita e fecha di independencia, haciendo cu nos Status Aparte a bira un realidad firme y duradero.

Nos Status Aparte a trece progreso y bienestar pa nos pais. Den 40 aña, nos a demostra cu nos mes por maneha nos pais. Si, tabata tin momentonan cu rumbo no tabata corecto, ora debe a redobla por ehempel, pero nos mes a coregi e rumbo. Awe, Aruba ta wordo reconoci, tanto localmente, den Reino, como internacionalmente, pa su vision y maneho financiero

Awe, 40 aña despues, nos libertad y nos autonomia ta bou presion atrobe. Pesey,

mi no ta kere cu e discusion di awe mester ta riba ken a logra nos Status Aparte.

E pregunta cu awe si ta relevante, e pregunta cu nos tur mester haci nos mes, ta: ken ta para awe pa defende, conserva y mantene nos Status Aparte?

Pasobra Libertad ta no ta un regalo, e ta un responsabilidad. Libertad no ta algo cu bo ta logra un biaha y ta keda pa semper.

E ta algo cu mester wordo defende tur dia

Mi kier finalisa enfocando riba e palabranan di e di tres couplet di nos himno: Grandesa di nos pueblo ta su gran cordialidad. Cu Dios por guia y conserva su amor pa libertad”

Francis Saladin di CUA ta aclarea:

Prijs di flete no a subi, locual a subi ta e “bunker surcharge”

**No mester confundi flete cu ‘bunker surcharge’*



ORANJESTAD (AAN)--Comerciante Francis Saladin, miembro di e organizacion “Comerciantenan Uni Aruba” (CUA), den entrevista cu Matutino DIARIO, a elabora tocante e tema di costo di flete, unda a aclarea cu esaki no a subi sino locual a subi ta e “bunker surcharge”.

Segun Saladin, esaki ta un topico cayente actualmente. “Claro, cu e guerra cu a cuminsa na Iran, mero ora nos papia di petroleo, prijs di crudo a subi pasa cien dollar pa bari, anto claro, inmediatamente esaki tin consecuencia riba e flete. El a comenta cu, casualmente, nan a ricibi un carta di e compania “King Ocean” na unda nan ta bisa cu nan a subi e bunker charge. “Aki ta unda tin hende ta confundi e

flete cu bunker surcharge. Nan a subi’e cu 3.5 biaha, cu ta hopi. Petroleo no a subi 3 pa 4 biaha. El a subi di 30 pa 40%. Pero, e prijs di bunker surcharge a bula di 140 pa 2,270 of algo asin’ey, y pa draai containernan, mescos” Saladin a comenta.

Francis Saladin a splica cu e flete no a triplifica. Ta e bunker surcharge nan kier a papia di triplifica.

“Bunker surcharge ta algo cu a bin desde añanan 70, tempo cu tabata tin crisis den petroleo, anto Pa e companianan doñonan di barco, pa nan no mester cambia e flete constantemente, nan a inventa e tempo ey un bunker surcharge na banda, y esaki ta un manera di calcula, e ora ey, e base di e petroleo y e fluctuacion den cuanto e

ta subi anto haci un calculacion, depende si ta avion of crusero, of si ta container. E ora ey, no mester ahusta e contract di flete. E prijs di flete ta keda mescos pero e bunker surcharge si ta cambia: e ta fluctua, e ta subi, ta baha, segun e prijs

di petroleo subi of baha”, Francis Saladin a comenta.

El a agrega cu e ora ey e ta causa confusion den pueblo, tin hende no ta comprende, anto nan ta papia cu prijs di flete ta subi tres biaha.



ANUNCIO/BLBA/018/26

Middels deze brief wordt de aangevraagde Referendum onder de werknemers

van: “Aruba Airport Authority N.V.” afgelast.

Reden hiertoe is brief van vakbond STA dato 17 maart 2026.

Aruba, 17 maart 2026
Wnd. Mediator di Gobierno
Mireille Meeuwisse



AANKONDIGING

A.R.no.AUA202403982EJ

Bij exploit van 19 maart 2026 van de deurwaarder B. R. Roos, waarvan een afschrift is gelaten aan de Directeur van de DWJZ op Aruba, die het origineel voor GEZIEN heeft getekend, is: HENRY JOSE ALTUVE ALTUVE; ingeschreven als wonende te Aruba aan het adres Vigía 8, thans wonende te Venezuela, zonder een bekende woon en/of verblijfplaats; OPGEROEPEN: om op MAANDAG, NEGENENTWINTIG (29) JUNI 2026, des voormiddags om 08:45 uur; ter terechtzitting van het Gerecht in Eerste Aanleg van Aruba, gevestigd aan het adres J.G. Emanstraat nr. 51 op Aruba, te verschijnen teneinde op het door Sandra Rodriguez, ingediend verzoek te worden gehoord.

De deurwaarder voornoemd,

Segun Francis Saladin:

CUA ta pidi gobierno pa por favor elimina impuesto riba flete

**Cu esaki lo alivia costo di bida*

ORANJESTAD (AAN)-- Si-
guiendo cu e tema di flete,
cual prijs el a aclarea cu no
a subi, Francis Saladin, di
Comerciantenan Uni Aruba
(CUA), a splica DIARIO, cu
e consecuencianan lo ta hopi
grave si, en caso cu e bunker
surcharge subi tres biaha, pa-
sobra e efecto lo ta directo
riba costo di producto.

“Esaki ta haci cu e prijs di pro-
ducto mesora ta subi. Atrobe,
nos ta papia hopi cu Aruba ta

caro, cu comerciantenan ta
pone prijs haltu, y mi ta reitera
cu comerciantenan na Aruba
no ta pone prijs; nos ta haya un
prijs di companianan na unda
nos ta cumpra nos producton-
nan, nos ta pone flete riba dje.
Tin otro discusion riba dje na
unda cu gobierno ta cobra be-
lasting BBO riba e prijs di e
producto, plus e flete. Esaki
ta un punto cu nos a bin ta
discuti den Covid-19 tambe.
Pa gobierno trece alivio, por



fabor elimina impuesto riba
flete, pasobra esaki ta algo
cu ta ilogico, ta e producto cu
invoerrechten y BBO mester
ta riba dje, y asina ey bo ta
yuda pa e prijsnan no subi
asina tanto”, Francis Saladin
a acentua. “Awo kico ta bay
pasa? Cu e bunker surcharge
ta subi, prijsnan ta bay subi
pasobra na fin di dia e comer-
ciante tin cu berekenen door,
e BBO ta bira mas haltu y e
producto ta hisa su prijs.

Johnson

notary services

NOTICE

Anyone who believes that he is entitled to the following property is hereby requested to contact the undersigned notary before April 20, 2026:

1. On a private land, measuring 148 m2, located at San Nicolas in Aruba, further described in cadastral survey 5R1127/1937, with the thereupon erected dwelling house, locally known as “Bernhardstraat 173”, and
2. On a private land, measuring 132 m2, located at San Nicolas in Aruba, further described in cadastral survey 5R2610/1947, with the thereupon erected dwelling house, locally known as “Prinsenstraat 28”,

both registered at the registrar’s office (hypotheekkantoor) in Aruba in the name of **Nathaniel Archibald**, born in Grenada on April 25th, 1892.

Explanation: the heirs of **James Henry Walters** call on **EXTINCTIVE PRESCRIPTION** and inform that abovementioned property, as a whole, has been in their possession for more than twenty (20) years.

mr. T.R Johnson, LL.M.

Notary

Caya dr. J.E.M. Arends straat 13, unit 1

Telephone: + (297) 280-9950

Azriah Palm:
**CVA ta sigui
cu prevencion
pa comunidad
durante aña**



ORANJESTAD (AAN) -- Pa
preveni, CVA ta ranca sali
cu su chekeo pa comunidad,
diasabra awo, 21 di Maart,
na Centro di Bario Brasil.

Diaranzon otro siman nan
bay tin nan prome charla di
ataca cerebral na Centro di
Bario Brasil, segun Azriah
Palm a informa DIARIO.

“Dia 15 di April nos ta bay
tin charla tocante stress cu
tambe ta un tema hopi inte-
resante. Pa 25 di April nos tin
pendiente chekeo na Macua-
rima; dia 20 di Mei nos ta bay
tin charla tocante higiene di
bucal door di Mirto Tromp,
despues na Juni nos ta bay
tin chekeo atrobe na Theres-
ita Center y 12 di September
na Centro di Bario Brasil, 31
di October nos tin poni pa
Congreso. Pues, nos tin mas
of menos 3 pa 4 control pa
comunidad, cu lo tuma lugar
e aña aki, sigur! Sin conta cu
Centro di Bario Playa Pabao,
cu tambe nos tin den plan-
ning”, Azriah a indica.

Finalmente, el a reitera su
peticion na pueblo pa bin
Diasabra 21 awo na Centro di
Bario Brasil di 8’or di mainta
pa 12 or di merdia. Esnan cu
por bin na ayuno ta bon y si
no, no ta problema. Nan lo
tin algo di come y bebe pa
esnan cu ta haci chekeo.

Segun Fernando Vazquez, CEO di Beicad:

'The Triple Zeros for Aruba' ta e tecnologia como un posibel solucion integral pa maneho di desperdicio

ORANJESTAD (AAN): Siman pasa, un grupo di profesional cu ta traha den desaroyo tecnologico internacional a presenta na Aruba un solucion innovador pa trata desecho y na mesun tempo genera energia limpia. E proyecto aki yama 'The Triple Zeros for Aruba'. Señor Fernando Vazquez, CEO, inventor y desaroyador di e tecnologia di e empresa Beicad, a comparti detayenan di e sistema cu tin como meta yuda Aruba enfrenta su reto ambiental mas grandi: maneho di desperdicio.

Durante su presentacion, Vazquez a expresa su gratitud pa e oportunidad di bishita Aruba y presenta e tecnologia aki. Segun e, pa su empresa, cu tin su base den Uruguay y cu ta traha hunto cu profesionalnan di Argentina, e iniciativa aki ta representa un oportunidad importante pa contribui cu solucionnan sostenibel pa e region.

E tecnologia cu ta wordo presenta ta basa riba un sistema avansa di proceso di desecho cu originalmente a wordo desaroya den ambito militar. Awe,

danki na innovacion y investigacion, e mesun principio tecnologico por wordo aplica den ambito civil pa crea solucionnan sostenibel y accesibel.

Segun Vazquez, un di e caracteristicanan mas importante di e tecnologia ta cu e sistema no ta produci emisionnan dañino na atmosfera. E proceso ta cumpra desecho, lo procesa y separa e material pa produci un gas di sintesis. Despues, e gas aki por wordo uza pa genera energia electrico. Di acuerdo cu e inventor, e tecnologia ta cumpli cu e norman ambiental mas estricto di Union Europeo.

Ademas, e sistema tin e capacidad pa trata diferente tipo di residuo, incluyendo taira, plastic, materialnan medico y desecho di hospital. Segun el a informa, esaki ta pone e tecnologia como un posibel solucion integral den e concepto di economia circular.

Representantenan di e proyecto ta expresa cu, segun nan investigacionnan, nan tin un bon comprension di e cantidad di desperdicio cu Aruba ta



produci y di e necesidadnan real di e isla pa uza e gas genera despues di e proceso. Segun Vazquez, e grupo tin confiansa cu

nan por aporta un solucion efectivo pa e problema di desperdicio riba e isla. "Nos tin e solucion," Vazquez a conclui, expre-

sando su deseo pa contribui na bienestar di pueblo di Aruba y na un futuro mas limpi y sostenibel pa generacionnan futuro.

Azriah Palm cu informacion:

Fundacion CVA cu control di sucu, presion y colesterol na Centro di Bario Brasil



ORANJESTAD (AAN)-- Diaranson proximo, 21 di Maart, Fundacion CVA ta bay ta na Centro di Bario Brasil, pa ofrece comunidad control di sucu, presion arterial y coles-

terol. Esaki den orario di 8'or di mainta pa 12'or traimerdia.

Asina Azriah Palm, di CVA, a duna di conoce den entrevista cu Matutino DIARIO. Azriah Palm a informa cu e control aki ta gratis pa loke ta control di sucu y presion arterial, cu ta prioritario, y pa colesterol si tin un prijs cu ne, pasobra su strips ta hopi caro. Ta bay tuma midi di cintura tambe.

"Pa sucu y presion arterial na Curacao nan a cuminsa bati bell, pasobra tin hopi caso di diabetes tumando lugar, y na Aruba esey no ta un excepcion. Y nos ta pone hopi enfasis riba dje. Loke nos, di Fundacion CVA ta haci, ta yuda educa e comunidad pa pueblo preveni. Pasobra e parti di prevencion eyan bo ta zorg pa bo no haya bo

den problemanan innecesario. Esey nos ta para p'e. Pues Diasabra awo sigur na Centro di Bario Brasil", Azriah Palm a remarca. Lo tin, entre otro, un dietista, tambe Aruba Vision Center pa controla presion di wowo, CVA naturalmente lo tey.

Chekeo pa comunidad

Diasabra, 21 di maart 2026
Lugar: Centro di Bario Brasil
Ora: 8 am - 12 pm

Your health is your wealth

Pa mas informacion por jama: 733-0270 of manda un email na cvaaruba@gmail.com
Like nos facebook page Fundacion CVA Aruba

Ioné Rodriguez, experto di UNOPS:

UNOPS tin experiencia internacional, te e punto di a desaroya e "Guia Tecnico pa Planea Prizonnan" (TGPP)



ORANJESTAD (AAN)-- Ioné Rodriguez, experto di UNOPS, a sigui splica den conferencia di prensa, cu riba e aspecto di prizonnan, UNOPS tin experiencia internacional, na tal punto cu a desaroya loke ta conoci como "TGPP" (Technical Guide for Prison Planning) cu ta un metodologia pa implementa

un proyecto di construccion di un prizon nobo.

"UNOPS ta un pionero obsesivo na crea pasonan standardiza y un metodologia pa sigura cu un prizon ta responde na e necesidadnan adecua di e contexto, y por ehemplo nos ta actualmente na Sint Maarten, y prome cu esey tin experiencia den vari-

os pais na Europa y Africa.

"Un di e aspectonan cu UNOPS ta insisti y ta haci su metodologia particularmente efectivo, ta cu e ta insisti cu mester compronde con nos kier opera un prizon pa su infraestructura duna un respuesta na e forma di trabao aki y no al contrario, loke ta sosode hopi biaha unda e sistemanan penitenciario ta haya nan mes obliga na traha den un edificio cu no ta adecuadamente diseña, y p'esey nos ta bolbe na e principio, na reuni cu KIA y cu e Minister di Husticia,

Pa compronde cual ta su necesidadnan y su obhetivonan operacional, p'asina e edificio brinda un servicio acorde na e metodologia aki di trabao", señor Rodriguez a señala.

ARUBIANO

WE DO ARUBA RIGHT

"STOP USO DI SACO DI PLASTIC"

#GUIDANOSPLANETA

evewever@aol.com • 582-3998
Instagram : arubianobrand • facebook: Arubiano

PHONE SALE

Upgrade and Save Like a Champion

SLAM DUNK DEALS!

SAMSUNG Apple



SHOP MORE MODELS!

iPhone 16 Plus
AFL **46.95** /pa siman

Samsung S23
AFL **42.95** /pa siman

Samsung S23 Ultra
AFL **50.95** /pa siman

*This is a rent to own transaction. You don't own the product until all rental payments are completed. Example: 17.95afl pa siman x 12 luna= 933.40afl. See store for details.

NO CREDIT CHECKS

DIALRTO.COM

CUMANA 74 | 582-RENT

DiL RENT TO OWN & RETAIL

Den caso di inmoralidad

Abogado ta haya cu Instituto Forence no a haya prueba y mester declara sospechoso liber



ORANJESTAD (AAN): Diahuebs mainta Corte a trata e caso penal contra e homber M., caminda Fiscal ta haya M. culpabel di a haci inmoralidad cu e dama hoben A. y a masturba riba e laken cu A. tabatin. Fiscal a existi 180 dia di prison, di cual 75 dia ta condicional cu un tempo di prueba 2 aña. Den e articulo aki ta publica e defensa di abogado di M., mr. Mohamed y den un otro articulo ta publica tratamento di e caso y e punto di bista di Fiscal.

NO POR CONFIA E VICTIMA

Mr. Mohamed a bisa Hues cu den e caso aki tin solamente declaracion di e dama hoben A. compara cu e declaracion di e sospechoso M., kende for di inicio ta desmenti di a mishi cu A. y masturba. E abogado a bisa cu e declaracion di A. no ta confiabel y no por haya prueba di sosten. E abogado a muestra cu A. ta bisa cu M. lo a mishi cu su pia y su parti intimo y lo a masturba riba e laken cu A. tabata tapa su curpa. A manda muestra di e laken

cu e liquido pa Instituto Forence na Hulanda (NFI). El a muestra cu A. a manda potret di muha riba e deken. Su siguiente dia despues di e incidente, un agente di Instituto Forence a tuma muestra pa manda NFI. Investigacion di NFI ta conclui cu no tabatin sperma. Mr. Mohamed a bisa Hues cu esaki ta un resultado bon cla cu M. no a masturba riba e laken manera A. a bisa.

NO TIN PRUEBA

E prueba principal aki ta cay afor. Na opinion di mr. Mohamed, esaki ta haci cu e declaracion di A. no ta confiabel y mester declara M. liber. Ademas M. mes a declara cu e tabata drumi y ta ora Polis a bati na porta, el a spierta y habri porta. E abogado a remarca cu un agente di Polis a declara cu ora M. a habri porta, por a mira cu M. lo tabata drumi y net a lanta for di soño. Sinembargo e agente ta haya straño cu M. tabatin un jeans bisti.

Abogado a muestra cu M. mes a declara cu el a lanta y bisti un jeans promer cu el a bay habri porta.

DAMA TA MANIPULA HENDE

Abogado Mr. Mohamed a muestra cu A. ta sufri di problema mental, schizofrinie, y ta bira emocional. A. tin miedo di M. E abogado a bisa Hues cu tabatin problema familiar na cas entre M. y e mama di A. Aki A. a menaza M. cu e lo percura cu M. ta bay cera. Notabel ta cu A. lo a bisa cu un aña anterior caba M. a abusa di dje.

Mr. Mohamed a remarca, pakico A. no a bisa esaki anterior?! E abogado ta haya cu esaki no por wordo usa como prueba di sosten. E abogado a muestra cu constantemente A. tabata bay na warda di Polis y hiba cos pa dos agente. Nan a hala su atencion pa stop. Polis ta considera e actitud aki di ta purba manipula e agente-nan.

E abogado a sigui bisa cu tin un amigo di A. cu a bisa cu e conoce A. bon y cu A. ta manipula hende. Ta parce cu ora A. no haya su kier, e ta manipula hende. E abogado a muestra cu A. a hasta saca potret di e laken muha pa indica cu M. a masturba riba e laken.

Na opinion di abogado, esey ta muestra cu A. a manipula cu prueba y NFI a muestra cu no tin prueba. E abogado a conclui cu no tin prueba cu M. a haci actonan inmoral y mester declara M. liber. Pa loke ta e demanda di daño material, e abogado ta comparti punto di bista di Fis-

cal pa declara e demanda di daño no admisibel.

ACUSADO A BIRA VICTIMA

M. a bisa Hues cu en realidad e no mester a wordo deteni. Door di esey Warda Nos Costa despues di un

tempo a sake for di Aruba y el a perde su trabao. M. ta haya cu en realidad ta el a bira victima

Hues a bisa cu e ta bay studia e caso 9 April 2026 lo tin sentencia.

Partido MEP:

Evelyn a reconoce e rol di Eman, pero Mike no a reconoce rol di Betico

ORANJESTAD (AAN): Liderazgo ta ora bo por pone bo mes riba bo ego, y reconoce hasta bo oponente. Esaki ta algo cu Mike Eman a faya barbamamente den e ultimo simannan y mas aun, riba nos dia di Himno y Bandera. Y esaki a cai den masha mal tera cerca masha hopi hende, especialmente nos bishitantenan di Curacao, Boneiro, Sint Maarten y Sint Eustatius. Den su afan pa impone su "istoria", el a falsifica "historia".

Pa tur hende na Aruba ta obvio, cu si no tabata pa Betico Croes, awe nos no a celebra ni himno, ni bandera, ni Status Aparte. Simplemente pasobra AVP y e politiconan di fam Eman durante historia a vota CONTRA nos himno, nos bandera y nos lucha pa Status Aparte.

Pero loke mas a resalta ta e falta di liderazgo den e lider di nos pais actual Mike Eman. E no por ni menciona e nomber di Betico. Dicon? Su ego ta mucho grandi of su caracter ta mucho swak?

Cualquier cu ta e caso, lider di MEP Evelyn Wever-Croes a demostra kico ta liderazgo au-



tentico. E si a reconoce Henny Eman sr, Shon A Eman, Juancho Yrausquin cu a encamina e proceso pa busca e 2147 firmanan, y el a reconoce logicamente Betico Croes cu a logra nos himno, nos bandera y nos Status Aparte, y Nelson Oduber cu a logra scrap e fecha di independencia.

Danki Dios nos tin Evelyn Wever-Croes y nos por carga speranza cu pronto Aruba lo bolbe conoce liderazgo fuerte y autentico.

Lider di Fraccion AVP – Jennifer Arends-Reyes:

E miho manera pa honra e legado di pasado ta pa sigui cu gobernacion responsabel pa bienestar di futuro generacionnan

ORANJESTAD (AAN): Durante e reunion publico solemne teni mainta den Parlamento di Aruba cu presencia di invitadonan internacional for di e otro islanan den Reino, Lider di Fraccion di AVP, Jennifer Arends-Reyes, a enfatisa e importancia di reflexion, unidad y responsabilidad riba ocasion di e dobel aniversario historico: 40 aña di Status Aparte y 50 aña di Himno y Bandera di Aruba.

Den su discurso, Arends-Reyes a destaca cu e momento aki no solamente ta uno pa mira atras cu orguyo, pero tambe pa enfoca riba futuro cu sentido di responsabilidad. “Status Aparte a confirma cu Aruba tabatin e madurez politico y determinacion pa traha su propio rumbo den Reino,” e la expresa. E lider di fraccion AVP a uza e ocasion pa expresa su sincero gradicimento na tur estadistanan cu a contribui



na desaroyo di Aruba, tanto den pasado como presente. E la reconoce nan sacrificio, liderazgo y compromiso, indicando cu nan trabou a forma e base riba cual Aruba ta para awe. “Nan a construi brugnan, habri camindanan y a asumi responsabilidad pa beneficio di pueblo y pais. Como representante di pueblo, mi ta bisa: danki,” Arends-Reyes a declara. Ademas, e la resalta e balor simbolico di e Himno y Bandera, cu a bira representacion di unidad, identidad y speranza pa pueblo di Aruba. Segun Arends-Reyes, e simbolonan nacional ta recorda nos cu,

apesar di diferencia di opinion politico, amor pa Aruba ta uni nos tur. Arends-Reyes tambe a enfatisa cu e miho manera pa honra e legado di pasado ta pa sigui cu gobernacion responsabel, disciplina y decisionnan cu tin e bienestar di futuro generacionnan como prioridad. E la reconoce cu Aruba ta enfrente diverso reto economico, social y ambiental, pero a muestra confiansa den capacidad di e pueblo pa logra progreso ora ta pone interes general prome. Na su mensahe na comunidad, e la recalca cu e celebracion aki ta pertenece na tur ciudadano di Aruba, sin

distincion politico. “E ta di cada hende cu ta contribui na desaroyo di nos isla, di cada mayor cu a pasa balor y tradicion, y di cada hoben cu ta soña grandi,” e la bisa. Finalmente, Arends-Reyes a haci un yamada pa fortalece democracia, proteha identidad nacional y sigui traha pa un Aruba cu ta ofrece oportunidad, siguridad y bienestar pa tur. Cu un mensahe di fe y unidad, e la conclui: “Cu Dios bendiciona nos isla y tur su habitantenan. Biba 50 aña di nos Himno y Bandera, biba 40 aña di Status Aparte, y cu profundo orguyo: Biba Aruba.”

Columna E Sembrado



Diabierna 20 maart. Di cuatersiman di Cuaresma aña 2026 Ciclo A
Caminda di Cruz

Calendario Liturgico

Lectura: Sabiduria 2, 1.12-22;

Salmo: 34;

Evangelio: Huan 7,1-2.10.25-30;

”Ma Ami si conoc’E, pasobra Mi a bini di djE y t’E a manda Mi.” Huan 7, 29

Hesus Su bida ta wordo guia pa Dios. E no ta haci cos riba Su mes boluntad, sino pa boluntad di Tata cu a mand’E. Hesus ta actua di acuerdo cu Su mision: Trece Reino di Dios na mundo. Hesus no ta depende di hende ni di loke hende ta bisa of pensa. E no ta tuma desicionnan contra boluntad di Tata, Esun cu a mand’E na mundo. Loke Hesus ta haci y bisa ta den sintonia cu Su Tata. Nan a busca moda di coge Hesus preso, ma niun hende por a pone man riba djE pasobra Su ora no a yega ainda. Aki nos ta mira cu forza di maldad no por domina nos mientras nos ta actua segun Dios ta papia cu nos den nos curason. Actua segun Dios ta inspira nos, asina nos no ta tuma desicionnan cu tabay contra boluntad di Dios.

Oracion: Señor, papia cumi. Bo sirbi dota scucha Bo. Amen.

Grupo Centro Pastoral Aruba

Sandra Croes cu Mariachi Mexicano ta presenta un cover ‘Abo So’ di Padu Del Caribe

ORANJESTAD (AAN): Sandra Croes hunto cu Mariachi Mexicano di Tulancingo, Hidalgo Mexico ta lanza un bunita produccion pa nos luna di celebracion di nos Himno y Bandera. Un idea cu a nace ora Circo Hermanos Suarez empresa Mexicano tabata na Aruba aña pasa y a acerca Sandra pa cera nan gran espectaculo Circense cu un toque di nos Aruba Dushi tera. Despues di delibera ki miho escogencia di Sandra pa presenta na final di e show tur anochi hunto cu e Mariachi di Mexico e cancion Abo So, original di Padu Del Caribe un bunita wals den version Mariachi cu a hala masha hopi

atencion na final di e show hunto cu tur e artistanan, uniendo e dos culturanan Mexicano y Aruba den un cancion. E Mariachi Abo Si cu ta consisti di Eder Santos, violinista y alavez a canta e duo cu Sandra, Guitarron Carlos

Santos, Vihuela Jordi San Agustin, Trompet Mario San Agustin y Jael San Agustin. E cancion aki a wordo graba na DH Studio Music Factory di sr Diego Henriquez y ta bay acompaña cu un bunita video clip pa Ronny Dotel.



Bishita di Su Mahestad Willem-Alexander na Fundacion Movimento ta Bida

*Enfoke riba adulto mayor y cohesion social



ORANJESTAD (AAN): Den continuacion di e agenda oficial di su bishita na Aruba, Su Mahestad Willem-Alexander a bishita e Centro di Bario y Deporte Dakota, caminda e a haya un encuentro special cu Fundacion Movimento ta Bida, ganador di e prestigioso reconocimiento Appeltje van Oranje 2024.

Durante e bishita, Su Mahestad tabata acompaña pa Prome Minister mr. Mike Eman y Vice-Prome Minister di Gabinete AVP-Futuro Sra. mr. Gerlien Croes, kende hunto cu otro representante oficial a forma parti di e encuentro.

E bishita aki a pone enfasis riba e rol fundamental cu e fundacion ta desempeña den fortalecimiento di cohesion social, cu un enfoque particular riba bienestar, participacion y integracion di adulto mayor den comunidad. Fundacion Movimento ta Bida ta dedica na crea espacio unda adulto mayor por keda activo, conecta socialmente y contribui positivamente den sociedad.

Durante e encuentro, a presenta diferente iniciativa comunitario cu ta enfoca riba calidad di bida di adulto mayor, promoviendo actividad fisico, interaccion social y participacion comunitario.

Un aspecto importante di e bishita tabata e interaccion directo cu participante di e fundacion y representante di organisacionnan social, esnan cu diariamente ta traha pa fortalece e posicion di adulto mayor den comunidad. Den e *Urban Pocket Park*, Su Mahestad a haya e oportunidad pa conoce di cerca e impacto di e proyecto y e compromiso di esnan involucra.



E presencia di Su Mahestad, hunto cu e liderato di gobierno, a representa un reconocimiento significativo pa e trabou di Fundacion Movimento ta Bida, cu a logra destaca tanto na nivel nacional como internacional pa su enfoque social y comunitario. Cu e bishita aki, a resalta un biaha mas e importancia di cuida y integra adulto mayor como un pilar esencial di un sociedad solidario, inclusivo y cu respet pa tur generacion.



Pintura conmemorativo di Padu produci pa Peter van den Heuvel devela na Checkpoint Color

ORANJESTAD (AAN): Durante un ceremonia informal na Checkpoint Color, artista Peter van den Heuvel y Vivian Lampe devela un pintura conmemorativo di Padu Del Caribe.

E unico yiu muher di Padu, Vivian a aprecia y sostiene e iniciativa y el a duna Van den Heuvel un potret di Padu, for di tempo cu el a skirbi 'Aruba Dushi Tera', nos himno nacional.

E tempo ey Padu tabata bastante famoso na television, radio y via riba disco, pa su boleronan sentimental, den su estilo emocional y personal di canta.

Juan Chabaya (Padu) Lampe, considera como e Tata di Aruba su cultura, tabata un tesoro unico y iconico cu a nace riba 26 di April, 1920.

E tabata activo ta compone, skirbi y pinta te ora cu el a fayece riba 28 di November, 2019.

Padu a compone varios cancion y habitantenan di nos isla stima su cancionnan. Sinembargo, tin ta bisa cu na prome lugar Padu tabata un pintor.

El a documenta Aruba di antaño. E tabata sa cu na un manera of otro esey lo bay perdi y kier a laga e recuerdo atras.

E siman aki ta conmemora 50 aña desde cu Aruba Dushi



Tera a wordo adopta como e himno nacional di nos isla.

Skirbi huntocurufu Wever, Aruyba Dushi Tera tabata popular bao di Arubianonan hopi prome cu oficialmente e cancion a bira nos himno nacional na 1976.

Padu a yega di bisa cu e cantica na un manera of otro ta inspira sentimentonan patriotico y at expresa un amor sinigual pa e oisla bunita aki.

Peter van den Heuvel ta un artista contemporaneo cu a nace na Hulanda, kende na Aruba ta un educador di arte.

E ta conoci pa su pinturanan cu ta ponebo pensa, usando medionan mixto, den un estilo expresionista den colonan bibo.

Su cuadrnan ta yena cu simbolismo y narativonan inespera.

E pintura cu Van den Heuvel a haci di Padu ta contene elementonan tropical, e ta refleha e laman cu ta rondona Aruba den e jacket y ta gara e imagen den partinan cora/oranje cu ta simbolisa Padu su pasion pa Aruba.

E blachi di musica di Dushi



Tera tambe ta incorpora den e parti atras den e pintura.

Padu a wordo pinta den su mihor tempo, e manera con nos tin cu cord'e.

Checkpoint Color tabata anfitrión di e develop cu tabata

amical y informal.

E artista lo haci un donacion di e pintura na un edificio publico.

Ta pidi pa sugerencianan pa esaki.

Prijs di tur cos a bira excesivo

Hopi consumidor no ta di acuerdo cu indice di inflacion publica pa instancianan di gobierno

• *Mas bien ta parece un cifra ficticio*

ORANJESTAD (AAN) Hopi consumidor no ta compronde di con e referente na e indice di inflacion na Aruba ta 0.1%, siendo cu e costo di bida a bira sumamente halto., y di un siman pa otro, un producto ta subi di prijs tres biaha mas. Mientras tanto, e salarionan medio, tin añanan largo cu no ta conoce un debchi preto di aumento.

Salario minimo a aumenta, pensioen di adulto mayor a subi no riba su mes, pero door di reparatie toeslag, pero mesora cu esey a sosode comercio a core subi prijs di tur producto di prome necesidad, no solamente alimento pero articulonnan di higiene ta un "escandalo" di caro!

Por corda cu den tempo di Covid-19 papel toilet a aumenta di prijs specialmente esnan di marcanan cu semper tabata un poco mas caro, pero awo ta tur marca a subi di prijs na un forma exagera, ya

caba un paki di 4 roll ta costando mas di 20 florin, y ni papia mes di habon pa laba paña, pa laba tayo, insecticidan, desinfectante pa piso, habon pa baña, etc., hasta e spons pa uza den cushina nan prijs ta abnormal di caro. Y ultimamente e prijs di aroz cu ta suppose ta parti di e canasta basico, ta impresionante e prijs halto cu hasta e marca cu tabata tin mas barata a subi bay den top. Por nota e prijsnan halto tambe den e diferente tipo di beleg, y hasta e dozijn di webo tiki tiki a cuminsa subi di prijs.

Di hecho Aruba no conoce mas un clase medio halto, ni mediano mas. Loke nos tabata yama clase medio abao aworaki a bira parti di e conglomerado di hende pover cu nos comunidad tambe ta conoce.

Tin hende ta bao impresion cu Aruba no tin pobr-

eza pasobra nan ta drenta un supermercado grandi y ta wak cu tin hopi consumidor, locual regularmente ta berdad, pero tambe t'asina cu gran parti di e consumidornan aki ta turista cu ta keda den acomodacionnan unda nan mes por consumi loke nan ta desea di come y bebe, y no ta haci asina hopi uso di restaurant, por ehemplo, esnan cu tin timesharing na Aruba. Pues, cada ciudadano individual cu ta warda su recibonan ora ta haci compra den supermercado y comercio en general, ta haci comparacion pa siman y pa luna, y nan si ta constata con hopi e inflacion a subi na Aruba, cu no ta comparable cu e calculacion cu instancianan concerni ta haci, cu mas bin ta parece datonan camufla.

Un bos cu a duna speransa:

Homenahe na Julio Euson cu mural special

ORANJESTAD (AAN):

Un momento yen di emocion, gratitud y orguyo nacional a tuma lugar dia 17 di maart na Chocolate City Bar & Restaurant na San Nicolas, caminda Aruba a rindi homenahe na un di su artistanan mas distingui y reconoci: Julio Euson.

E acto di desvelo di un mural dedica na su trayectoria musical a reuni representante di gobierno, comunidad, famia y sector cultural den un ambiente di profunda apreciacion pa su legado.

E ceremonia, presenta pa MC Elizabeth Guanipa, a cuminsa cu un introduccion riba e significado di e homenahe, resaltando e impacto di Euson den musica y su rol como embahador cultural di Aruba den exterior.

Un homenahe di cultura y emocion

Durante e programa, e publico presente a aprecia momento special ora Grace Marsdin Euson, subrina di Julio Euson, a declama un poesia dedica na su legado. Seguidamente, un presentacion audiovisual prepara pa Tito Bolívar y su team a ofrece un mirada profundo riba e trayectoria internacional di Euson.

Tito Bolívar a sigui cu palabra di gradicimento, resaltando e colaboracion tras di e mural, un proyecto cu ta forma parti di e transformacion cultural di San Nicolas.

Un mural cu ta captura alma di un artista

E desvelo di e mural a marca e momento culminante di e ceremonia. E obra artistico, crea pa artista Rasheed Lowe, ta refleha e esencia di Julio Euson, su carisma, su presencia y su capacidad unico pa tochi e alma di su publico.



Segun Prome Minister Mike Eman, e mural ta captura exactamente loke Euson a representa pa Aruba: "Tur loke Julio Euson ta representa, su encanto, su forma di toca curason di hende, ta biba den e mural aki."

Discurso di Prome Minister: un bos di speransa den momento dificil

Durante su discurso, Prome Minister Eman a comparti un relato profundo riba e impacto di Julio Euson den un di e periodonan mas dificil den historia di Aruba. El a recorda e crisis di 1984, ora e refinaria a cera y Aruba a perde gran parti di su economia, creando un sentimiento di incertidumbre y desesperansa.

"Pueblo tabata busca speransa, pero no tabata mira unda esaki lo bin for di



dje."

Den e contexto aki, e regreso di Julio Euson a bira un momento clave pa pueblo.

"Ora Julio a dicidi bin bek Aruba den e momento di crisis, esaki a duna pueblo esperansa. Un artista cu a logra internacionalmente, cu a bolbe pa su isla, a toca e alma di Aruba."

Eman a recorda cu miles di persona a reuni pa presencia e presentacion di Euson den e tempo ey:

"Tin casi 5.000 hende para pafor. Esey ta un momento cu lo keda den historia di



Aruba."

Gratitud na esnan cu a haci e homenahe posibel

Durante su discurso, e Prome Minister tambe a expresa palabra di gratitud na tur esnan cu a contribui na realisacion di e mural.

Un danki especial a bay na Tito Bolívar, kende a hiba e vision di muralnan den San Nicolas pa un nivel nobo, contribuyendo significativamente na identidad cultural di e distrito.

Tambe a reconoci e talento di artista Rasheed Lowe, kende a crea e mural cu tanto detaye y significado. Ademas, a expresa gratitud na Minister di Turismo Wendrick Cicilia pa su apoyo, na Aruba Tourism Authority pa financiamiento di e proyecto, y na famia di Chocolate City pa

brinda e espacio pa e homenahe.

Un legado cu ta sigui inspira Aruba

Despues di e desvelo, e publico a participa den un open expo, creando un espacio di encuentro entre arte, historia y comunidad.

E actividad a forma parti di e celebracion di 40 añ di Status Aparte y 50 añ di Himno y Bandera, resaltando e importancia di cultura como fuente di identidad y union nacional.

Cu e desvelo di e mural, Aruba no solamente a honra un artista, pero tambe a celebra un legado di speransa, un recordatorio cu den momentonan mas dificil, cultura y musica por uni un pueblo y duna direccion pa futuro.



Cuminsando na april 2026

LATAM Airlines ta amplia servicio Lima–Aruba cu vuelo diario



ORANJESTAD (AAN): Conectividad aereo entre Aruba y Sur America ta sigui crece mientras LATAM Airlines ta aumenta su servicio entre Lima (LIM) – Aruba (AUA) di cinco vuelo pa siman pa operacion diario cuminsando na april 2026. E expansion aki ta fortalece aun mas e conexcion di Aruba cu e mercado Peruano mientras tambe ta mehora acceso pa e red mas amplio di LATAM den Suramerica. E aumento ta representa dos vuelo adicional pa siman, añadiendo 348 asiento extra pa siman for di Lima pa Aruba. Cu e expansion aki, e ruta lo ofrece mas cu 1.200 asiento pa siman cada direccion, representando un aumento di mas o menos 40% compara cu e aña anterior den capacidad di asiento entre Lima y Aruba pa aña 2026.

A base anual, e frecuencia adicional lo genera mas cu 18.000 asiento adicional den e mercado Peru–Aruba, apoyando e crecimiento continuo di bishitantenan for di Sur America y reenforzando e posicion di Aruba como un destino principal den Caribe pa bishitantenan di e region. Operando cu avion Airbus A320, e ruta ta conecta Aruba cu e hub di LATAM na Lima, brindando acceso facil cu un escala pa varios ciudadnan importante den Sur America incluyendo Santiago, Buenos Aires, Montevideo y Quito.

“E decision di LATAM pa amplia e ruta Lima–Aruba pa vuelo diario ta refleha e demanda fuerte pa biahe



entre Peru y Aruba,” asina Jo-Anne Arends, Aviation Business Development Executive na Aruba Airport a duna di conoce. “E aumento aki ta fortalece conectividad aereo di Aruba cu Sur America y ta muestra e confiansa continuo cu aerolineanan tin den nos destino.”

“Pa Aruba, e relacion comercial cu LATAM Airlines ta importante. Como un aerolinea di legado, nan ta transporta un segmento di biahero di hopi balor den henter region Latino Americano, reenforzando e importancia strategico di e conexcion aki cu e mercadonan di Perú, Chile, Argentina y Brazil. Frecuencia diario lo haci e conectividad aki mas fuerte, reenforzando e relacion di Aruba cu e region y contribuyendo na diversificacion global,” asina Ronella Croes, CEO di Aruba Tourism Authority, a enfatisa.

Fortaleciendo asociacionnan na Routes Americas 2026

E anuncio ta sigui despues di reunionnan recien entre

Aruba Airport Authority, Aruba Tourism Authority y LATAM Airlines durante Routes Americas 2026 na Rio de Janeiro, e foro principal den e region pa desarrollo di servicio aereo unda aerolineanan, aeropuertonan y autoridadnan di turismo ta colabora pa amplia conectividad global. Durante e evento, LATAM Airlines Group a ricibi e Airline Partnership Award, reconociendo e colaboracion fuerte entre e aerolinea cu Aruba Airport y socionan di turismo pa desaroya y crece conectividad exitosamente. E premio ta destaca compromiso di LATAM pa asociacionnan strategico, desempeño sosteni di rutanan y iniciativanan conhuntro cu ta stimula demanda di pasaheronan.

E crecimiento continuo di e ruta Lima–Aruba ta refleha e asociacion fuerte entre LATAM Airlines, Aruba Airport Authority y Aruba Tourism Authority pa amplia conectividad entre Aruba y Sur America.

Ampliando conectividad cu Sur America

LATAM Airlines Group ta e grupo di aerolinea mas grandi di America Latina, sirbiendo mas cu 160 destinacion den casi 30 pais na mundo. Mediante su hubnan na Lima, Santiago, São Paulo y Bogotá, e aerolinea ta brinda conectividad amplio den henter Sur America y tambe cu destinacionnan den Merca, Europa y otro regionnan.

E decision pa opera vuelo diario henter aña ta sigui apoya e strategia di Aruba

pa fortalece conectividad aereo y amplia su alcance den e mercado Sur Americano, mientras ta reforsa e rol

di Aeropuerto Internacional Reina Beatrix den conecta Aruba cu mercadonan internacional clave.

Dialogo cu e isla

-- Joe Fortin

Isla, awe ta bo dia, ban tur hunto celebra
Tin fiesta grandi na nos isla tan stima dedica
Pasa bon, goza y disfruta, mientras tanto....
Pa ken tur bo kier manda cumindamento?
Ken tur bo kier saluda?
Gradici tur bo sponsornan, no lubida!

Mientras tanto, mientras tanto, mientras tanto...

Mi ta sinti falta di rosea den mi pulmonnan sofoca
Mi ta hogando den mi awanan muriendo contaminacion
Mi ta amarga di e cicatriznan marca riba mi curpa
Tur e dañonan ocasiona na mi identidad, sin culpa
Pesonan pisa riba mi lomba awor tur doloroso dobla
Cada parti di mi curpa cansa y gasta mi ta superpobla

Mientras tanto

Mi no por scapa, mi no por huy, mi no por sconde, ni core bay
Mi no por yora, mi no por sufri, mi no ta expresa mi ansiedad
Mi no por grita, mi no por papia, mi no ta keha, ni reclama
Mi tin di keda, mi mester wanta, obliga di warda y soporta
Boca cera, lipnan seya, lenga mara y nunca tripi di rebeldia
Mirada letargico desviando e dolor pa un felicidad inventa

Mientras tanto, mientras tanto, mientras tanto...
Isla, confesa mi, prome cu nos bay pa un break comercial
Cua ta bo deseonan mas anhela?

Mientras tanto

Mi kier descanso den e calor di mi tera
Mi kier paz di e caricia di biento di lama
Mi kier pa mi naturalesa vulnerabel florece
Mi kier pa mi identidad casi invisibel fortalece
Mi kier consuelo di yobida di awa puro
Mi tin un deseo cu pa eternidad lo keda un anhelo

Esaki ta un dia feliz riba un isla super feliz
Ban fiesta awe y lubida mañan, ripiti y ripiti y etcetera...
Mientras tanto...
sofocando, hogando, yorando

RESULTADO DI SORTEONAN PA CORTESIA DI CADENA ALEXANDER
DIAHUEBS 19 MAART 2026

DIARIO			
3001	4593	MERDIA 9141	ANOCHI 7379
0292	4901	9846	2454
4672	2631	5107	1261
		MULTI- X	
		X2	X3
MERDIA 7860	ANOCHI 1503	MERDIA 148	ANOCHI 550
		X2	FP
		MERDIA 4067	ANOCHI 9034
		X5	X2
5027			
02-10-12-14-30			

BUSCA PALABRA

I	N	C	S	A	L	A	D	A	D	C	M
T	H	B	S	P	A	T	C	S	O	E	T
T	A	O	A	M	A	S	R	R	S	E	I
E	I	C	S	L	E	M	N	E	E	D	A
H	N	O	S	E	C	E	A	S	B	C	T
G	C	C	D	B	D	H	O	O	R	A	C
A	T	C	F	B	O	T	I	O	H	O	N
P	T	A	E	M	I	S	A	C	C	I	O
S	G	E	A	L	S	S	I	K	D	A	M
H	F	O	B	R	T	H	T	R	M	E	O
E	P	A	B	B	C	A	A	A	H	D	M
T	I	F	E	L	I	S	H	T	P	E	D
D	H	E	A	L	F	A	O	L	M	H	T
E	F	S	M	K	D	P	M	C	I	A	N

Corned Beef	Salchicha	Cocktail	Pothem
Roast Beef	Spaghetti	Balchi	Spam
Diablitos	Salada	Sardin	Ham

> SUDOKU <

King Classic Sudoku

	3							
2			8	3				1
	8		7			5		
4			1		8		3	
	2		9			1	4	5
			2		4		6	8
	7	8						2
				1				
		9	3		7	4		6

Difficulty: ★★★ 4-20

Hari Un Tiki

Algun bishitante tabata canando den Museo di Arkeologia, ora cu nan a cuminza mira un muraya yen di cashi, cu hopi spotlight dirigi riba algun weso basta prehistorico.

E wesonan aki a wordo descubri, y cuidadosamente a wordo saca for di bao tera.

Uno di e bishitantenan a dicidi na bay puntra e watchiman kende ta trahando eyan:

—“Bon dia mener, abo sa con bieu e wesonan aki ta?”

E watchiman a contesta mesora:

—“Nan ta 1 miyon, cuatro aña y seis luna bieu.”

E bishitante sorprendi a contesta:

—“Waw, esey ta un cifra hopi exacto. Con bo sa nan edad asina preciso?”

Mesora e watchiman cu orguyo a duna nan su contesta:

—“Wel, e wesonan aki tabata 1 miyon aña bieu ora cu ami a cuminza traha na e Museo aki, cu ta cuatro aña y mey pasa.”

Solucion Anterior

7	9	8	2	4	5	1	6	3
6	2	5	8	1	3	4	9	7
1	3	4	7	6	9	2	8	5
2	1	6	3	5	8	9	7	4
8	7	3	1	9	4	6	5	2
4	5	9	6	2	7	3	1	8
9	8	2	4	7	1	5	3	6
5	6	7	9	3	2	8	4	1
3	4	1	5	8	6	7	2	9

Difficulty: ★★★ 4-19

LOTTO

E LOTERIA DI ARUBA

— Resultado Diahuebs 19 Maart 2026

03 **10** **14** **24** **32**

1^{er} Premio: Tin 1 ganador Jackpot
2^{do} Premio: Tin 0 ganador Match 4+
3^{er} Premio: Tin 1 ganador Match 4
4^{to} Premio: Tin 197 ganador di Afl. 12,00

Joker
12
 Proximo sorteo **21 Mar 2026**
 Afl. 4,00 pa ticket
 AFL 100.000,00

1 Premio: 5 Bon
2 Premio: 4 Bon + Joker **Por yama 583-4475 pa haya e resultado.**
3 Premio: 4 Bon
4 Premio: 3 Bon

Letter ganador pa ticket gratis: **(K)**

EMERGENCIA NA ARUBA
Diabierna 20 Maart 2026

DOCTER NA WARDA SAN NICOLAS: Pa San Nicolas, Docter lo ta na H.A.P. ImSan. Docter tey for di 6'or di anochi te 10'or di anochi.	BOTICA NA WARDA PARIBA DI BRUG: Botica Aloe NV Pos Chikito 83 Telefon 584-4606
ORANJESTAD: Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.	PABAO DI BRUG: Botica Eagle Caya Punta Brabo 17 Telefon 587-9011

Stop di benta sushi den mondi!
Cuida e isla pa e futuro generacion

ALMANAC

Bahada y salida di solo na Aruba —20 Maart 2026 Solo ta baha: 6:51 p.m. —21 Maart 2026 Solo ta sali: 6:44 a.m. Solo ta baha: 6:51 p.m. —22 Maart 2026 Solo ta sali: 6:43 a.m. Solo ta baha: 6:51 p.m. —23 Maart 2026 Solo ta sali: 6:43 a.m. Solo ta baha: 6:51 p.m.	Lista di Crusero di bishita na Aruba —Diabierna 20 Mar. 2026: Caribbean Princess: (09:00 - 22:00) Norwegian Star: (11:00 - 20:00) —Diadomingo 22 Mar. 2026: Celebrity Ascend: (09:00 - 23:00) —Dialuna 23 Mar. 2026: Marella Discovery 2: (08:00 - 20:00) —Diamars 24 Mar. 2026: Norwegian Sky: (13:30 - 22:30) Oasis of the Seas: (08:00 - 23:00) —Diaranson 25 Mar. 2026: Serenade of the Seas: (08:00 - 23:00) Carnival Vista: (13:00 - 23:00) —Diabierna 27 Mar. 2026:
--	---

Bo mester di un hende pa Scucha bo ??

Tel: 583-1190
 Anonimo y Confidencial

Guarda Costa a intercepta e boto na Eagle Beach

10 y 9 año di prizon exigí pa dos homber sospecha di trafica 379 kilo di marihuana y 335 kilo di cocaina

ORANJESTAD (AAN): E homber Arubiano E.A. (46) y e homber Colombiano biba na Aruba, J.S.O. (33), dialuna mainta a scucha Fiscal bisa cu e ta haya nan complice di importacion di un lote grandi di marihuana y cocaina. Fiscal a exigí 10 año pa E.A. y 9 año pa J.S.O.

INTERCEPTA BOTO CU UN LOTE GRANDI DI DROGA

E acusacionnan cu Fiscal a presenta contra E.A. y J.S.O. ta cu riba 8 Juni 2024 nan ta complice di importacion di lote grandi di marihuana y cocaina y tambe 3 revolver. Ademá Fiscal a muestra cu tin acusacion contra E.A. pa exporta cocaina na October 2024 y contra J.S.O. tin acusacion di posesion di mey bloki di cocaina y a maltrata su ex pareha. Hues a puntra E.A. y J.S.O. kico nan tin di bisa di e acusacionnan. Tanto E.A. como J.S.O. a bisa cu nan no tin nada di haci cu e caso di lote di droga. Hues a muestra cu segun e relato di Polis, dia 8 Juni 2024 den oranan tempran di mains, Guarda Costa a intercepta un boto na Eagle Beach. Dos persona a wordo deteni mientras cu nan dos a logra huy. Riba e boto a confisca mas di 700 paki di droga. En total a confisca 379 Kilo di marihuana, 335 Kilo di cocaina y 3 revolver. Durante e accion a mira cu un Mitsubishi Montero a core bay.

DRECHA BOTO PA BUSCA DROGA

Un investigacion grandi a tuma lugar caminda Inteligencia di Polis a bin haya sa cu e Mitsubishi tabata na un cas den Gielstraat. Polis a bay na e cas y a papia cu e dama cu ta biba na e cas. Tambe Polis a pidi e cameranan di seguridad den vecindario pa mira e movecionnan cu a tuma lugar. Riba camera a mira cu e boto cual



Guarda Costa a intercepta, tabata para den cura di e cas na Gielstraat. E doño di e cas a bisa cu e boto ta di E.A., kende a pidi e tanta pa para e boto eyan y Diahuebs 8 Juni 2024 el a busca e boto cu un Mitsubishi Montero. Ora Hues a confronta E.A. cu e informacionnan aki, E.A. a bisa cu e ta haci uso di su derecho di silencio. El a bisa Hues cu el a bisa tur cos caba na Polis. Hues a sigui bisa cu e dama di e cas a bisa cu e boto tabata para den cura pa basta tempo. Na dado momento, algun hende Spaño a bay drecha e boto y pone motor y Diahuebs E.A. a busca e boto. Tabatin imagennan di cameranan di seguridad den vecindario caminda 5 Juni 2024 ta mira e boto para y ta mira J.S.O. cu otro 2 hende homber a bay instala motornan riba e boto. J.S.O. a admiti na Hues cu e tabata eyan y cu ta nan a pidi'e pa yuda instala e motornan. Ta asina cu por a mira cu E.A. tambe tabata tey y e tabata mira con e motornan a wordo instala riba e boto. E.A. a bisa Hues cu el a bay pa mira kico nan tabata haci na e boto. Dia 6 Juni 2024 a mira un auto a yega para na e cas y dos homber a baha y hiba cahanan na e boto. Parce cu nan tabata prepara e boto pa navega. A mira e homber M. y J.S.O. pone barinan blauw den e boto. Despues e Mitsubishi Montero a bay busca e boto y a bah'e na laman. Despues e Mitsubishi Montero a trece e trailer di e boto bek. Hues a puntra J.S.O. kico e tabata haci na e cas. Segun J.S.O., e homber M. a pidi'e pa yuda pone cosnan den e boto.

DOS CONDENA CABA PA LOTE DI DROGA

Hues a puntra tanto E.A. como J.S.O. si nan conoce e hombernan I. y M. Ambos a bisa cu nan no conoce e dos hombernan. Hues a muestra cu I. y M. cu a wordo gara door di Guarda Costa na e boto y nan a wordo condena na 7 año di prizon.

MIRA AUTO HIBA BOTO EAGLE BEACH

Hues a muestra cu 6 Juni 2024 pa mas o menos 5.55 di mainta, Polis ta mira riba video di seguridad, e boto tabata wordo lastra pa un Mitsubishi Montero na e rotondo Tortuga na Eagle Beach y a laga e boto na e beach.

Dia 8 Juni 2024 mainta trempan, na e mesun retonde, ta mira e Mitsubishi Montero ta pasa cu e trailer di boto y un auto Toyota. E Toyota tabata keda core rond di e rotondo. Polis a sospecha cu lo tabata vigila si e boto a yega. E Toyota e asiento patras tabata kita. Aparentemente pa hinca droga den e auto. E Toyota tabata di ex pareha di J.S.O.

Hues a muestra cu esnan condena, esta e hombernan M. y I., a declara cu tanto J.S.O. como E.A. ta envolvi den e importacion di droga. J.S.O. a bisa Hues cu e dia di hiba e boto, e no tabata eyan. El a bisa cu Polis a mustre potret di un hende den e auto cu lo ta J.S.O. pero esey no ta e. El a bisa cu e tin tattoo na tur dos man y e persona riba potret no tin tattoo.

GARA NA AEROPUERTO CU DROGA

Hues a muestra cu na October 2024, Polis a detene E.A. na

aeropuerto ora e tabata kier a viaha pa Hulanda cu cocaina. Den e maleta a constata cu tabatin dos deken hopi pisa. Investigacion a muestra cu a mescla cocaina den e dekenan. A haci un proceso pa haya sa cuanto cocaina tabatin den e dekenan. En total tabatin 507,7 gram di cocaina mescla den dos deken. E.A. a declara na Polis, cu su intension tabata di hiba e droga Hulanda pa gana placa pa cubri gastonan medico. Parce cu E.A. ta sufri di curason.

HAYA BLOKI DI COCAINA

Hues a muestra cu den apartamento di J.S.O. a haya un mitar bloki di cocaina cu a pisa 505,8 gram. Segun J.S.O., esey ta pa su mesun uso. Hues a remarca cu e cantidad ta hopi pa propio uso.

MALTRATA PAREHA

Hues a muestra cu 13 October 2024, J.S.O. lo a maltrata su ex pareha door di dal'e wanta y a hink'e of cort'e. J.S.O. a bisa Hues cu esey ta pasado. El a splica cu nan tabata come na un lugar y el a bebe di mas biña y a bira burachi y a maltrata su pareha. El a bisa cu e no ta corda kico a sosode. Hues a bisa cu e pareha a bisa cu tabatin un discusion y apesar cu nan yiu tabata tey, J.S.O. a dal'e y a core cu un cuchiu. J.S.O. a bisa cu e ta lamenta kico a pasa.

Ta asina cu E.A. tin 164 dia sera y J.S.O. 133 dia sera. Hues a muestra cu E.A. na 2012 a wordo condena pa droga y na 2016 condena pa arma di candela. J.S.O. ta promer biaha cu e ta cay den man di husticia pa droga.

FISCAL

Fiscal a bay hopi extenso riba tur e observacionnan di camera y investigacion di Polis. Fiscal a bisa Hues cu e ta haya legalmente proba cu J.S.O. y E.A. ta culpabel den importacion di un lote

grandi di cocaina riba 8 Juni 2024 den oranan tempran di mainta na Eagle Beach. Mas di 700 paki di droga y 3 revolver a wordo haya den e boto. Na opinion di Fiscal, investigacion di Polis ta muestra claramente cu J.S.O. y E.A. tabata envolvi den e preparacion di e boto di E.A., cual a wordo usa pa importacion di e lote grandi di droga. Fiscal tambe a muestra cu tin combersacionnan cu Polis a haya riba celular di E.A. cu ta muestra riba e importacion di droga. Fiscal ta haya nan complice di importacion di e lote grandi miyonario di cocaina y marihuana.

NO PROBA POSESION DI ARMA

Fiscal a bisa Hues cu e no ta haya proba cu E.A. y J.S.O. tabatin conocimiento di e 3 revolvornan cu a haya den e boto y el a pidi Hues pa declara nan liber di e acusacion aki.

Fiscal a muestra cu na aeropuerto E.A. a wordo gara cu dos deken cu cocaina mescla aden. En total 507,7 gram di cocaina. Tambe a haya J.S.O. cu un mitar bloki di cocaina. Fiscal tambe ta haya cu J.S.O. a maltrata su ex pareha.

EXIGI CASTIGO PISA

Fiscal ta haya cu E.A. tabatin un funcion di coordina importacion di droga. El a tene cuenta cu E.A. tin condena caba pa droga. Fiscal a bisa cu E.A. a wordo gara na aeropuerto cu cantidad di cocaina pa hiba Hulanda. El a muestra cu e hombernan M. y I. a wordo condena na 7 año di prizon pa a trece e lote di droga den boto. Fiscal ta haya cu e funcion di E.A. y J.S.O. ta mas pisa. El a exigí pa E.A. 10 año di prizon y pa J.S.O. 9 año di prizon.

Hues a sera tratamento di e caso y a bisa cu dia 30 Maart 2026 lo tin sentencia.

DEPORTE INTERNACIONAL

Cunningham pafo di accion pa por lo menos 2 siman cu problema di pulmon



DETROIT: Cade Cunningham di Detroit Pistons ta bay wordo re-
valua dentro di dos siman despues
cu el a wordo diagnostica cu un
asina yama pneumothorax, locual
ta un pulmon cu a manera cay den
otro (collapsed lung).
Esaki e ekipo a anuncia Dia-
huebs.
Ta wordo verwacht cy Cunning-
ham lo perde basta tempo debi na
e problema, segun Shams Chara-
nia di ESPN.
"Tin optimismo cu e hungador por

ta cla na tempo cu
su recuperacion pa
hunga den play-
offs", Charania a
bisa riba e progra-
ma Get Up.
E playoffs di NBA
ta cuminsa riba 18
di April.
Cunningham, un
dos biaha All Star,
e temporada aki
tin un average pa
wega di 24.5 pun-
to y 9.9 asistancia.
Ta prome biaha den su carera cu e
tin un average asina halto di asis-
tencia pa wega.
El a sali trempa for di e wega
Diamars contra Washington Wiz-
ards debi na locual Pistons a yama
un molester di lomba.
Pistons actualmente ta na prome
lugar di Eastern Conference cu un
record di 49-19, faltando 14 wega
pa e temporada termina.

Yesavage di Blue Jays ta cuminsa temporada nobo di MLB riba e lista di esnan lesiona cu problema di schouder



TORONTO: Pitcher drechi di To-
ronto Blue Jays Trey Yesavage ta
bay cuminsa temporada di 2026
riba e lista di esnan lesiona cu un
problema di schouder, segun man-
ager John Schneider Diahuebs.
Esaki Arden Zwelling di Sportsnet

a reporta.
Yesavage a reporta na e
camp di Spring Train-
ing cu e molester di
schouder y poco poco
tabata purbando di el-
eva su condicion.
Mientras cu el a cumin-
sa sinti mihor e nobato
no tin suficiente tempo
pa prepara pa e ta cla pa
comienso di temporada,
Zwelling a bisa.
E hungador di 22 aña
no a aparece riba mon-
ticulo durante Spring
Training.
Blue Jays lo monitor
e cantidad di trabao di
Yesavage den e parti trempa di
temporada di 2026.
Temporada pasa den Major League
y Liga Menor Yesavage a tira 98
inning y den playoffs el a tira 27
inning y 2 tercio mas.

Suzuki di Cubs wardando riba resultado di MRI despues di lesion di rudia na WBC



ARIZONA: Dialuna Seiya Su-
zuki tabata bek na Spring Train-
ing cu Chicago Cubs y a bay saca
un MRI na su rudia drechi cu el a
lesiona mientras cu e tabata hun-
ga na World Baseball Classic pa
Japon.
Manager di Cubs Craig Counsell a

conta reporteronan cu e ekipo ta-
bata wardando riba e resultadonan
di MRI y e no kier s specula riba
gravedad di e lesion di e hungador
di outfield y bateador designa.
Suzuki a wordo lesiona den prome
inning di e wega cu Japon a perde
8-5 contra Venezuela.

Fiorentina a bin bek pa gana y pasa pa quart final di Conference League



POLONIA: Despues cu siman
pasa na cas Fiorentina a gana Ra-
kow Czesochova den nan wega
di Conference League, e ekipo
Italiano tabata tin mester di por lo
menos un empate pa pasa pa quart
final di e torneo.
Czesochova a cuminsa bon y a an-
ota prome, pero na final Fiorentina
a bin bek pa gana e ekipo Polaco
2-1, pa asina pasa pa e rond di ul-
timo 8.

E gol di Czesochova a wordo anota
pa Karol Struski den di 46 minuut,
pero den di 68 minuut Cher Ndour
a anota e 1-1 pa Fiorentina.
Pa segura e traspaso pa quart fi-
nal Marin Pongracic a anota e gol
ganador pa e ekipo di Serie A den
di 97 minuut.
Den otro wega di Conference
League Mainz 05 a gana SK Sig-
ma Olomouc 2-0 pa tambe avansa
pa quart final di e torneo.



Noticianan for di Hulanda


Scolnan Judio na Amsterdam ta haya extra seguridad di Marechaussee Real



AMSTERDAM: Scolnan basico y secundario Judio na Amsterdam ta bay haya extra seguridad prome cu nan habri, durante cu nan ta habri y ora cu e scolnan ta bay cera. Diahuebs municipio di Amsterdam a anuncia esaki. Locual a conduci na e decision aki ta e atentado na un scol Judio den e capital siman pasa. E extra seguridad ta encera personal di security na e scolnan,

en cooperacion cu Marechaussee Real y polis, segun e municipio. Tambe ta bay tin extra vigilancia cerca instancianan Judio. Banda di esaki grabacion di camara di tur lugar Judio relevante lo wordo vigila 24 ora pa dia. E medidanan di seguridad ta bin acerca di e medidanan cu tey caba pa scolnan Judio y Synagogues Judio.

Castigo di prison pa hoben di Amsterdam di 14 aña kende a pone un explosivo riba porta di De Pizzabakkers



AMSTERDAM: Un mucha homber di Amsterdam di 14 aña a wordo condena na 180 dia di detencion hubenil di cual 111 dia ta condicional, pa intento di cende candela y explosion cerca un establecimiento di e negoshi yama De Pizzabakkers cu ta situa den centro di ciudad di Amsterdam.

E mucha homber a wordo gara den marduga di 2 pa 3 September di 2025 alrededor di 01.00, ora cu

el a colga un tas na porta di De Pizzabakkers den Plantage Kerklaan. Den e tas tabata tin vuurwerk pisa, esta un Cobra 6 y tres boter di gasolin. El a wordo gara facilmente door cu tabata tin diferente camara na e lugar. Nan a pone camara door cu anteriormente tabata tin explosionnan na establecimentonan di e negoshi. Den e dianan anterior tabata tin explosionnan na un restaurant di De Pizzabakkers y un take away den e mesun caya.

Homber a cende su propio auto na candela despues di pleitamento den trafico



GELDERMALSEN: Diahuebs atardi un homber a cende su propio auto na candela, un rato cortico despues cu e tabata envolvi den un conflicto di trafico riba Kostverlorenkade na Geldermalsen. Alrededor di 13.45 despues di e pleitamento, e homber a dicidi di cende su auto na candela.

Esey a causa hopi daño na e vehiculo y na otro autonan cerca. Polis a detene e homber pa intencionalmente cende candela. El a wordo hiba pa warda di polis pa wordo interoga. Polis ta investigando e caso pa determina kico exactamente a sosode.

KLM te cu 17 di Mei lo no bula pa Dubai, Riyad y Dammam debi na e guerra den Medio Oriente



AMSTERDAM: Te cu 17 di Mei KLM no ta bula pa Dubai y e ciudadnan den Saudi Arabia, Riyad y Dammam. Esaki debi na e guerra den Medio Oriente cu ainda ta andando. “Nos lo sigui evalua e situacion y ta tene contacto estrecho cu autoridadnan relevante”, segun e aerolinea Hulandes den un comunicado. Pasaheronan di cual nan buelo

a wordo cancela, personalmente wordo poni na altura y lo haya otro pasashi gratis, of por haya nan placa bek, segun KLM. Riba extra compensacion e pasaheronan no por conta, pasobra ta trata di un situacion di forsa mayor. Segun Paul Vaneker di EU Claim, e pasaheronan no mester haci nada, mientras cu nan buelo no a wordo anula.

Noticia Internacional

Hegseth lo pidi Congreso 200 biyon dollar adicional pa sigui ofensiva Mericano na Iran

No tin un plaso fiho pa termina e guerra actual entre Merca y Israel contra Iran, segun Secretario di Defensa Pete Hegseth, kende tambe a anticipa un peticion inminente pa aproximadamente \$200 biyon na financiamiento adicional pa sostene e operacion militar.

E decision riba ki dia conflicto lo por termina ta keda solamente na presidente Donald Trump, mientras cu e gastonan aumenta tin como meta pa sigura financiamiento pa operacionnan den Medio Oriente. Pentagono ta spera di pidi e presupuesto nobo den e proximo dianan, aunke e suma por varia.

Ora a puntr'e riba e duracion di e ofensiva, Hegseth a declara cu no tin un "marco definitivo", lansa tres siman pasa banda di Israel. El a splica cu e mandatario lo dicidi ki dia e operacion militar ta cla pa conclui.

E decision pa no pone un fecha limite, segun e Secretario di Defensa, ta surgi for di e necesidad pa mantene flexibilidad strategico mientras ta sigui e obhetivonan di e administracion. Hegseth a enfatisa cu e resultado lo wordo determina solamente ora e mandatario evalua cu e metanan di e conflicto a wordo cumpli.

E funcionario ta hustifica e peticion pa e presupuesto aki pa e magnitud y naturalesa impredecibel di e ofensiva. El a insisti cu sosten financiero ta esencial pa sostene e tropanan desplega y avansa e obhetivonan defini.

Hegseth a enfatisa e importancia di tin suficiente fondo pa logra e efectividad operacional stipula pa



e poder Ehecutivo, enfatisando cu obtene e recurso nan aki ta clave pa e exito di e ofensiva continuo. E Secretario di Defensa a señala cu e capacidad di Iran pa fabrica misilnan balistico a conoce e mayor reduccion durante e ofensiva, y a cay cu 90% desde cu e conflicto a cuminsa. Un situacion similar ta afecta dronenan kamikaze, ya cu e disponibilidad di e aparatonan aki pa atakenan di un solo direccion tambe a baha cu 90%. A pesar cu Iran ta sigui lansa atakenan, e intensidad lo ta hopi mas grandi si nan tabatin

recursonan mas grandi. Durante un conferencia di prensa den cual el a wordo acompaña pa Dan Caine, Presidente di e Hefenan di Estado Mayor Conhunto, e hefe di Pentagono a insisti cu e submarinonan Irani, cu na un dado momento tabata 11, a desaparece y cu e wafnan militar di e pais a wordo haci inutilizabel. El a agrega cu e "flota superficial" di Iran no ta representa un factor significativo mas, y a declara cu den casi tres siman di combate, nan a logra dañu of hundi mas di 120 barco di guerra Irani.

Actor Chuck Norris a keda interna den hospital despues di a sufri un emergencia medico na Hawaii



Chuck Norris, di 86 aña, a wordo hiba pa un hospital na e isla di Kauai, Hawaii, despues di a sufri un emergencia medico di cual su naturalesa no a wordo divulgá publicamente, TMZ a informa diahuebs. Segun fuentenan cu conocimiento directo di e caso cita pa medionan di comunicacion, e incidente a sosode den e ultimo 24 oranan.

A pesar di e aparente seriedad di e situacion, e mesun

fuentenan a indica cu e actor y artista marcial Mericano ta den bon animo.

E naturalesa exacto di e emergencia no ta confirmá.

E incidente a tuma esnan rond di dje pa sorpresa, mirando cu Norris tabata train riba e isla diaranson. Dia 10 di maart, e actor a cumpli 86 aña, y el a comparti un video riba medianan social cu ta must'r'e ta haciendo ehercicio cu un entrenador personal.

Gobierno di Costa Rica a anuncia ceramento di embahada na Cuba

Gobierno di Costa Rica a confirma dia 18 di maart e cierre di su embahada na Cuba y su peticion pa gobierno Cubano retira su representacion diplomatico na San José, cu excepcion di e personal consular, como respuesta na e deterioro marcante di derecho humano y e aumento di represion riba e isla.

E medida, cu ta representa un kiebro den pleno relacionnan diplomatico despues di añanan di acercamento cauteloso, a wordo anuncia pa e minister di Relacionnan Exterior Arnoldo André Tinoco durante e rueda di prensa semanal na Palacio Presidencial y endosa pa presidente Rodrigo Chaves

Chaves.

E decision ta busca pa eherce presion directo riba e regimen Cubano pa adopta cambionan cu eventualmente lo permiti e reanudacion di e lasonan diplomatico.

E cierre di e sede di Havana ta bin meymey di restriccionnan creciente riba derechohanan fundamental manera libertad di expresion, asociacion y asamblea pacifico, como tambe mei mei di informenan di acoso contra voznan critico di gobierno.

E minister di asuntonan exterior a declara: "E medida ta responde na e preocupacion profundo di e pais tocante e deterioro sostene di e situacion di



derechohanan humano riba e isla, y tambe e aumento den actonan di represion contra ciudadanonan, activistanan y miembronan di oposicion."

El a splica cu e embahada di Costa Rica den e capital Cubano no tabatin person-

al diplomatico desde 5 di februari di e aña aki, loke, den su palabranan, "ta haci practicamente imposibel pa nombra personal diplomatico di Costa Rica pa ehecuta nan trabou na Havana debidamente."

Noticia Internacional

Union Europeo a confirma contactonan diplomatico cu Iran pa busca un solucion pa e conflicto



E Alto Representante di Union Europeo (UE) pa Asuntonan Exterior y Politica di Seguridad, Kaja Kallas, a confirma diahuebs cu e ta mantene contactonan diplomatico cu Iran pa busca “solucionnan diferente” pa e conflicto y evita mas escalacion den e region.

Kallas tambe a urgi diahuebs pa busca “un salida” di e guerra den Medio Oriente, na lugar di un spiral mas di beligerencia, despues di atakenan Irani riba instalacionnan di hidrocarburo den paisnan Arabe.

“E atakenan di Iran riba infraestructura di energia na Qatar ta creando mas caos. Ta obvio cu nos mester di un salida for di e guerra aki, no un escalacion,” e Alto Representante di UE pa Asuntonan Exterior a bisa na su yegada na e cumbre di lidernan di UE cu ta tuma luga diahuebs na Brussels.

E hefe di politica exterior di UE a indica cu e ta trahando pa “busca diferente solucion” pa e conflicto y su impacto riba siguridad y economia di UE, asuntonan cu lo ta central den e agenda di e 27 lidernan awe.

Relaciona cu esaki, el a confirma cu e ta manteniendo contactonan diplomatico cu Iran, incluyendo

un yamada ayera cu e minister Irani di Relacionan Exterior, Abbas Araqchi, den cual Kallas a transmiti su disgusto cu eheccion di un ciudadano Sueco den e pais di Medio Oriente pa supuesto spionahe.

Kallas a bisa cu den e proximo contactonan e lo lanta cu Iran “tur e asunto nan” cu ta concerni UE pa loke ta trata e conflicto.

Den e yamada menciona anteriormente, Araqchi, segun su oficina, a critica e normanan dobel di algun pais Europeo y oficialnan di rango halto di UE y a afirma cu “cualkier sosten of aprobacion” na e atakenan riba Iran “ta constitui complicidad den e crimenan.”

Kallas a enfatisa den su declaracionnan, e impacto cu e conflicto ta teniendo riba aumento di prijs di petroleo, suministro di fertilisante, y e fluho di mercancia dpor di e Estrecho di Ormuz, cu tin “repercusionnan pa henter mundo.”

Pa e motibo aki, el a bisa cu UE “tambe ta trahando cu su partnernan den Golfo” y cu Egipto y Jordania pa “haya un solucion genuino pa asina e partidonan involvi por caba cu e guerra,” y el a recorda cu e 27 estadonan miembro ya tin un mision pa garantisar ta safe den Laman Cora.

Dos barco petrolero Ruso ta na caminda pa Cuba den medio di e embargo di energia di Merca contra e dictadura



E crisis di energia di Cuba a yega su punto mas critico den decadanan, cu blackout prolonga, hospitalnan obliga pa suspende operacionnan, y un economia paralisa pa scarcedad di combustibel. Contra e situacion aki, dos tankero di petroleo di Rusia ta na caminda pa e isla, loke por marca e fin di mas di tres luna sin suministro externo confirma.

E yegada di e envianan aki, a pesar di presion diplomatico y sancionnan di Merca, a wordo vigila di cerca pa plataformanan di rastreo maritimo y fuentenan di inteligencia comercial.

Segun datonan di MarineTraffic, tur dos barco a declara destinacionnan oficial pafo di Cuba —e Sea Horse, por ehempel, ta indica cu nan mester yega Boston—, pero nan trayectoria real y analisisnan di empresanan independiente ta lanta duda tocante nan ruta final.

E uzo di rutan indirecto, manipulacion di e Sistema di Identificacion Automatico (AIS), y cambionan di bandera ta practicanan detecta pa sistemanan di monitoreo y, segun expertonan, ta destina pa stroba e aplicacion efectivo di sancionnan.

Despues di e captura di

e narco-dictador Nicolas Maduro dia 3 di januari y e suspension di e envianan Venezolano, gobierno di Merca a endurece su postura riba Cuba, cortando acceso na fuentenan tradicional y presionando tercer paisnan pa no suministra combustibel na e isla.

Desde e tempo ey, e suministro di petroleo a depende completamente di e capacidad di e regimen Cubano pa evita e bloqueo internacional.

Cuba ta produci solamente 40% di e petroleo cu e ta consumi domestico, segun datonan compila pa Financial Times. E resto mester a wordo importa, principalmente for di Venezuela, Mexico y, den un menor grado, Rusia.

E ultimo envio registra for di Mexico ta data for di dia 9 di januari, despues di cual Washington a aumenta e presion diplomatico y comercial, logrando pa e gobierno Mexicano suspender e envianan.

Joseph Duggar, ex-strea di ‘19 Kids and Counting’ a wordo aresta pa abuso sexual di mucha

E ex-strea di reality TV di 19 Kids and Counting Joseph Duggar a wordo deteni dia 18 di mart 2026, na Arkansas como parti di un investigacion riba supuesto abuso sexual di mucha cu a tuma luga na 2020. Segun informacion publica pa People y otro medionan local, e homber di 31 aña ta enfrenta acusacionnan di conducta sexual incorrecto y contra di un menor di edad.

Segun Oficina di Sheriff di Bay County (BCSO), Duggar a wordo acusa di “comportacion obsceno y abuso di un victima bao di edad di 12 aña” y “conducta obsceno di un persona riba edad di 18 aña.” Autoridadnan ta sostene cu e



incidentenan ta data for di 2020, tempo cu e supuesto victima tabatin solamente nueve aña di edad.

E investigacion a cuminsa despues cu un mucha muhe di 14 aña a raporta na autoridad kico el a experiencia durante un vacacion familiar na Panama City Beach, Florida.

E acusado a wordo aresta na Arkansas.

Su ruman homber, Josh

Duggar, a wordo sentencia na 2022 na mas cu 12 aña di prizon pa posesion di material di abuso sexual di mucha. E tambe a wordo acusa di abuso di cinco menor di edad, incluyendo su mesun rumannan. E escandalo a causa e cancelacion di e show 19 Kids and Counting y a marca un punto di cambio den e imagen publico di e famia.

Pa chica Pos - Habri tubería y wc.
Servicio lihe y confiabel.
 Experiencia ta manda
CICLONE
 Septic Tank Service
Tel: 564-0607 / 734-0607

TA FURA
ELMA UPHOLSTERY
 Matras, box busca mainta y
 haye atardi! Set di sala, tv
 chair, sienta auto.
Tel: 565-5577
 Macapruimstraat # 1L

CONSTRUCCION
REMODELACION
 Nos ta traha y drecha tur sorto
 di dak: shingle, eterniet, panchi,
 zink. Pega bloki, tegels, plafond,
 pleister, pone porta, lanta cura,
 basha vloer, construccion di cas
 y apto bon prijs. Free quotation.
Tel: 561-2137

PROMASTER
 Pa laba tapijt, sofa,
 tur matras.
 99% desinfecta.
Tel: 582-0383 / 593-3538
 Leslie Maduro

WASMACHINE
 Ta drecha wasmachine,
 dryer, stoof, forno.
 Ta drecha, service y instala
 airco. Tel: 742-2518.
 Ta drecha na cas mes.

SUPER OFERTA
 garage door 9'x7", sliding windows,
 acrylic sheets, bandera comercial,
 rifle pellets 4.5 mm, toilet seats, 7"
 hard plastic letters & numbers pa
 cas & negoshi. (TUR 50% OFF).
 Varios parts pa bentana
 di alum. Te ainda especialista pa
 RAYNOR garage doors y motor,
 rolleur pa deposito & parts y
 tambe Came y Proteco sliding gate
 elec. opener parts. Servicio &
 benta ta solamente ariba afspraak,
 cita, appointment.
 9-12 & 3-6.
 E. Arends: 594-1902

NOS TA DRECHA
 Frigidaire,
 wasmachine, dryer,
 airco, cooler.
Tel: 566-4366

GRATIS
 Auto bieu den cura? Nos ta
 pikje pornada. Airco y bateria
 tambe. Frigidaire, stoof,
 wasmachine, dryer etc. ta 25,-
 p/un. Yama nos na 561-4297
 of 561-5179. Arubiano balente.

TA CHAPI
TIRA SUSHI AFO
TRANSPORTE
DE CARGA
Tel: 594-5115

DIARIO
 Pa noticia, cumpleaños,
 comentario, redaccion:
noticia@diario.aw
Tel: 582-6747

Parlamentario Eduard Pieters (PPA):

“Nos ta realmente honra nos historia di 40 Aña Status Aparte y 50 Aña Himno y Bandera?”

ORANJESTAD (AAN) | Diaranson Aruba a celebra dos momento historico cu ta defini nos identidad como pueblo: 50 aña di nos Himno y Bandera y 40 aña di nos Status Aparte. Dos simbolo poderoso cu no a origina djis pa ceremonia of discurso bunita. Nan a nace for di lucha, conviccion y sacrificio di un pueblo cu a dicidi pa para riba su mesun pia. Pero e pregunta cu nos mester haci awe ta uno serio: Nos ta realmente compronde loke e simbolonan aki ta nifica?

Recordatorio di nos lucha “Nos bandera y nos himno, Aruba Dushi Tera, no ta solamente un tela y musica cu nos ta canta durante ceremonia. Nan ta un recordatorio di amor profundo pa nos tera, pa nos cultura, pa nos identidad. Y exactamente 40 aña pasa, Aruba a logra un konkista historico: Status Aparte dentro di Reino Hulandes. E posicion constitucional unico aki no tabata un regalo. No tabata un favor di niun hende.

TA DRECHA
 Wasmachine, frigidaire,
 dryer, freezer, tur tipo di
 airco. Y nos ta traha na
 cas di e cliente y cu
 garantia. Tel: 747-3736

Mercado Reparacion y Servicio
Nos ta drecha
 Wasmachine, Frigidaire,
 Cooler, Dryer, Stoof, Forno.
 Tur tipo di split-unit y window.
ALEX MERCADO! Any time
Cel: 567-0580

ASSOCIATED REALTORS
TA BENDE
 Un cas di 3 camber cu 13 apts
 y 1 oficina na Madiki, construi
 679 m², tereno propiedad 897
 m² y pa \$1.3 mlj. Yama Mito
 na 593-6318 pa mas info.

Chapi, verf, tira sushi
Ecotech, plumbing,
construccion,
jardinieria, mantencion,
handyman.
WHATSAPP: 561-1397

TA CHAPI
 Corta mata.
 Ta tira sushi afo. Nos
 ta hardineria completo
 na super bon prijs.
 Tel: 569-8003

Tabata un resultado di decada di lucha politico, social y cultural. Tabata e pueblo di Aruba cu a lanta su bos pa bisa: ‘Aruba kier ta baas den su mesun cas’. Pero un celebracion sin reflexion, ta perde su significado”, Eduard Pieters a expresa.

Status Aparte un responsabilidad di nos tur Nos Status Aparte no ta solamente un historia pa celebra cada 18 di maart. Nos Status Aparte ta un responsabilidad diario pa proteha nos autonomia, nos democracia y nos derecho pa tuma decision pa nos propio pueblo. “Como miembro di Parlamento di Aruba y representante di fraccion di Partido Patriotico di Aruba (PPA), mi no por celebra e fecha aki sin tambe manda un alerta. Pasobra un pueblo cu a lucha pa autonomia na Aruba y autodeterminacion den Reino, no por despues entrega esaki paso a paso, decision pa decision. Nos antepasadonan no a lucha pa Aruba bira un pais cu ta warda permiso pa tuma decision pa su propio pueblo. Nan a lucha pa un Aruba cu tin su propio bos, su propio orguyo y su propio responsabilidad”.

Di cua libertad nos lo referi den nos himno Den nos propio Himno Nacional nos canta un frase profundo: “Cu Dios por guia y conserva su amor pa liber-



tad.” Segun Pieters: “Esakinan no ta palabranan bunita pa canta durante ceremonia y despues lubida nan significado den e decisionnan politico. E ta un promesa cu nos a haci como pueblo. Y mi kier puntra awe: con nos por sigui canta tocante amor pa libertad, si pocopoco nos ta perdiendo e libertad ey door di e decisionnan politico manera e ley di consenso HOFA?”

Nificacion di nos Autodeterminacion Segun Pieters, ta bon pa nos para keto un rato cu autodeterminacion no ta un palabra bunita pa djis pa ora di discurso politico. Autodeterminacion ta e derecho pa tuma decision pa bo pueblo. Autodeterminacion ta e derecho pa controla bo propio destino basa riba bon gobernacion. Y si nos no ta alerta, si nos no ta proteha e konkista aki cu conviccion, nos ta core e riesgo pa perde pocopoco loke e generacionnan anterior a gana cu lucha incansabel. E bandera cu nos ta hisa, mester

keda recorda nos cu Aruba tin dignidad. E himno cu nos canta awe, mester keda recorda nos cu Aruba tin alma. Pero dignidad y alma di un pais no ta mantene su mes. E ta pidi liderazgo, conviccion y curashi.

Nificacion di ta un berdadero Arubiano? “Ta un berdadero Arubiano no ta solamente hisa bandera riba dia di celebracion. Ta un Arubiano ta compronde historia di nos pueblo, honra lucha di nos lidernan y para firme pa proteha autodeterminacion di nos pais,” Eduard a enfatisa. Pueblo di Aruba a lucha cu sanger, sudor y determinacion pa logra Status Aparte. E konkista aki no ta propiedad di ningun gobierno, ningun partido ni ningun politico. Status Aparte ta propiedad di pueblo di Aruba. Y pueblo so tin e derecho pa dicidi su futuro.

“Awe nos ta celebra 40 aña di autodeterminacion den Reino. Pero mas importante ainda, nos mester puntra nos mes: Nos ta protehando e legado aki? Of nos ta permiti cu pocopoco nos ta perde y bay bek na un estilo colonial moderno? Aruba no ta solamente un isla. Aruba ta un pueblo cu a lucha pa su dignidad. Y si nos kier honra nos Himno y Bandera, nos mester para firme pa e principio cu a crea nos pais: Ta baas den nos mesun cas!

Candela den mondi na Sero Pita a pone brandweer y polis den alerta

ORANJESTAD (AAN): Dia-domingo den oranan di anochi, brandweer y polis a wordo manda pa atende un melding di un cas cu tabata supuestamente tabata na candela na Sero Pita. Segun por a mira di un distancia, huma tabata sali, loke a laga pensa cu e cas mes a pega na candela. Sinembargo, ora cu e ekiponan di emergencia a yega na e adres, a bira cla cu e candela no tabata den e cas. E tabata den un parti di mondi patras di e vivienda, loke a crea e impresion cu e cas tabata na



candela. Despues di algun rato, brandweer a logra controla y paga e candela. Durante control di e situacion den e cas, a wordo topa un cantidad

grandi di belanan cu tabata cendi. E belanan a wordo paga mesora pa preveni cualquier situacion peligroso.

Mama di Natalee Holloway a entrega denuncia na Hulanda contra Joran van der Sloot



HULANDA: Beth Holloway, mama di Natalee Holloway cu na 2005 lo a wordo asesina, a entrega un denuncia contra Joran van der Sloot pa asesinato di su yiu muher.

Esaki segun e abogado di Holloway, Annemiek van Spanje.

Natalee Holloway a desaparece na Aruba na 2005 ora cu e tabata tin 18 aña.

Den e investigacion riba su morto Van der Sloot a wordo deteni diferente biaha pa autoridadnan na Aruba, pero debi na falta di evidencia e no por a wordo persigui penalmente.

Actualmente e Hulandes ta sintando un castigo di 28 aña pa asesinato di Stephany Flores na Peru.

Na 2023 Van der Sloot a wordo manda pa Merca y eyan el a wordo condena pa extorsion di Beth Holloway.

Van der Sloot a exigí pago di 250.000 dollar for di e mama pa informacion riba e morto di Natalee.

Beth a pagé 25.000 dollar adelanta a cambia di informacion riba unda e curpa di Natalee lo por wordo haya pero e informacion no a duna resultado.

Durante e investigacion riba e extorsion Van der Sloot a admiti cu en berdad el a mata Natalee Holloway.

El a wordo condena na un castigo di prison di 20 aña y a ricibi menos castigo a cambio di su confesion.

Tambe ta asina cu e ta wordo permiti di sinta su castigo di Peru y esun di Merca na mes momento.

A consecuencia di su confesion Ministerio Publico di Aruba na dado momento a indica cu e posibilidad tey pa nan revalua e caso,

pero segun abogado van Spanje te ainda no tin un progreso den esaki.

Esey pa Beth Holloway y su abogado ta suficiente motibo pa ainda entrega un denuncia contra e Hulandes na Hulanda.

E mama no kier pa un dia Van der Sloot sali den libertad, sin cu el a para responsabel pa morto di Natalee.

Aurora
Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Gradicimento y Invitacion

Na number di famia nan nos kier a gradici cada un cu a tuma nan tempo pa a bin dispidi di nos ser stima:

Florita Thiel
"Mama Fita"



Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico.

Un danki special na Pastoor Jairo Maduro, Eltienne Yarzagaray, caha di orgel Juan Curiel y Cas Marie (Savaneta).

Tambe na Aurora Funeral Home pa cu su bon servicio y atencion.

Ta invita pa asisti na un Santo Sacrificio di misa cual lo tuma lugar na Misa Inmaculada Concepcion na Sta Cruz, 20 di maart 2026 pa 7or di anochi.

Bo(so) presencia lo ta altamente aprecia.

Aurora
Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Dios lo habri porta pa bo.
I nos sa ku den tur kos Dios ta traha pa
e bon di esnan ku ta stim'E.
Romano 8:28

Cu inmenso tristesa den mi curazon, pero conforme cu boluntad di Dios,
Mi ta participa fayecimiento di mi
Esposo:

Herbert Winfield Croes
Mi hor conoci como:
"Boei"
***16-10-1956**
†06-03-2026



Na number di su esposa:

Erna Croes-Boekhoudt

Mayornan:

†Herbert Sydney Croes y †Elena (Ellen) Croes-Raven

Suegro y Suegra:

†Basilio Boekhoudt y †Ana Maria Boekhoudt-Croes

Rumannan:

Helen (Heddy) y Frederic Muskus-Croes

Esther Madeline Croes y yiuunan

Dan Milstein

Richard (Darrel) Milstein y Monica Areliano

†Elaine Silvia Croes

Grecelle y Dady Roos-Croes y yiuunan

Murielle y Patrick Brown-Roos y yiuunan

Thomas y Laura

Amy Roos y yiuunan

Nina, Gabriella y David

Su tantanan y omonan:

†Aquilaes y Jane Raven-Arends y famia

†Ada y †Edward de Haseth-Raven y famia

†Albert y Evelina Raven-Arends y famia

Judith y Frans de Vries-Raven y famia

†Violet y †Adrianus Polviet-Croes y famia

†Daisy y †Juan Chabaya (Padu) Lampe-Croes y famia

Cuñanan:

Betty y †Alejandro (Janjo) Boekhoudt y yiuunan

Raymond y Haidy Boekhoudt-Alfaro Luna y yiuunan

Alejandra y Daniela

Mariska y Michael Lin-Boekhoudt y yiuunan

Michelle y Jonathan

Alvin y Jessica Boekhoudt-Kelly y yiuunan

Dylan y Jeslenne

Irma Boekhoudt

†Chimina y †Jaty Thijzen y yiuunan

Dennis y Gina Thijzen-Jansen y yiuunan

Genisha y Jesmira

Milton y Amparo Thijzen-Alzate y yiuunan

Anton y Jenny

†Aura y †George Nicolaas

Louisa (Lucia) y Ronny Arends y yiu

Ricky y Jennifer Arends-Reyes y yiu

Charlotte

†Elka Boekhoudt

Demas Famia: Croes, Boekhoudt, Raven, Arends, Muskus, Roos, Milstein, Brown, Irausquin, Areliano, Lampe, Polviet, Thijzen, Nicolaas, de Haseth, de Vries, Trinler, Henriquez, Eman

Na tur su bon amigonan cu ta hopi pa menciona.

Na Trinity Quality Care pa su bon servicio: Kim, Melissa, Marlene, Farshjana, Desi, Inge, Nathalie, Judith, Suze

Acto di entierro lo ta tuma lugar diasabra 21 Maart 2026 den Kerki Protestant na Playa. E restonan mortal di mi querido esposo Herbert Winfield (Boei) Croes lo reposa for di 9.00 am pa 11.30 a.m di mainta y depues pa Santana Protestant den Boerhavenstraat.

Mi ta lamenta cu despues di entierro mi no por ricibi condolencia na cas.

Si en caso den mi tristeza mi por a lubida algun persona of famia, mi ta pidi mi mas sincero disculpa

SUPER CARD SUPER DEALS



**BEST CINEMA AT
THE BEST PRICES!**

**COMFORT
CLASS**

IMAX

VIP

**Monday
Thursday**

8.00 AWG

10.00 AWG

11.00 AWG

**Friday
Sunday**

9.00 AWG

11.00 AWG

12.00 AWG

Sign up today at any **The Movies location** and **start enjoying great benefits!**

Stans Baar, informador di DUO:

Oficina di DUO ta habri pa dos siman principalmente pa yuda studiantenan cu ta atrasa cu nan pago

ORANJESTAD (AAN): Di-
enst Uitvoering Onderwijs
(DUO) di Hulanda ta na Ar-
uba pa un periodo di dos si-
man, caminda nan a habri un
oficina di servicio temporal pa
brinda sosten y guia tanto na
ex-studiante como na futuro
estudiante. Segun Stans Baar,
informador di e servicekan-
toor di DUO, e iniciativa tin
como meta principal pa yuda
esnan cu tin pregunta of situa-
cion pendiente, specialmente
den tema di atraso di pago y
preparacion pa studia na Hu-
landa.

Durante e periodo aki, ex-
studentenan cu tin un retraso
chikito den nan pago ta wordo
anima pa bishita e oficina pa
haya guia necesario. DUO ta
enfoca riba busca solucion
hunto cu e estudiante, mirando
posibilidadnan pa ahusta e
monto mensual segun e in-
greso actual. Den algun caso,
e pago mensual por wordo
reduci of hasta bay na cero,
dependiendo di e situacion fi-
nanciero di e persona.

Ademas, e oficina ta brinda
informacion importante pa
studentenan cu tin plan pa



bay studi na Hulanda. Baar a
enfatisa cu e proseso ta hopi
amplio y diferente, y bon
preparacion ta esencial pa
evita stress despues di yega
na Hulanda. Entre e pasonan
mas importante, studentenan
mester inscribi na un estudio
via Studielink, despues solici-
ta nan studiefinanciering na
DUO.

Ora esaki keda aproba, nan lo
ricibi un burgerservicenum-
mer (BSN), cu ta necesario pa
aplica pa DigiD. Cu DigiD,
studentenan por regla hopi
asunto oficial for di Aruba
mes prome cu nan biahe.

Tema di ingreso y impuesto
tambe ta di gran importancia.
Pa studentenan cu ta solicita
un beurs adicional, ta necesi-

rio pa presenta e ingreso di e
ultimo dos añanan di nan may-
ornan. Pa ex-studentenan, e
informacion aki ta esencial pa
determina si nan pago men-
sual por wordo ahusta.

Actualmente, no tin un sistema
automatico di intercambio di
informacion cu e Departamen-
to di Impuesto di Aruba, pero
DUO ta trahando activamente
riba e cooperacion aki. Mien-
tras tanto, studentenan mes
mester presenta nan informacion
di ingreso cada aña.

E oficina di DUO ta ubica na
J.F.K. Education Center na
Stadionweg, Oranjestad. Pa
orario di apertura y mas in-
formacion, interesadonan por
bishita www.duo.nl/cariben.

MOTHER

It is very easy to become sentimental in
May and talk about your mother.
One of the earliest songs I recall about
Mother went like this:

M - is for the many things she gave me,
O - means only that she's growing old.
T - is for her tears that were shed to save
me.
H - is for her heart of purest gold.
E - is for her eyes with love-light shining
R - means right, and right she'll always be.

Put them all together, and they spell
MOTHER.
A word that means the world to me.

**A poem for Ellen Croes-Raven, in loving
memory, from her son, Herbert "Boei"
Croes, who are now reunited.**

Aurora
Royal Print
Funeral Home & Crematory

Cumana # 76 & # 44
van Speykstraat # 1
Oranjestad, Aruba
T: (297) 588-6699
E: info@aurorafuneralaruba.com



HIMNO Y BANDERA

19 TILL 21 MARCH

WITH DRINKS, SNACKS, DJ ENTERTAINMENT & DISCOUNTS!

SHOP ON CREDIT & GET UP TO

2 FREE INSTALLMENTS

PLUS FREE DELIVERY FOR CREDIT CUSTOMERS AT AMC UNICON!

CONDITIONS APPLY.

   569-2407
AMC EAGLE MEGASTORE

568-9070
AMC SAN NICOLAAS

HORARIO: 9am - 6pm
DIALUNA PA DIASABRA



SAVE AWG 11



QUATTRO
FRY PAN - 20CM
NON STICK - GRAY
QTTFP20G

NOW AWG 9
WAS AWG 19,99

SAVE AWG 200



CUISINART
AIR FRYER - FLEX
11 LITER CAPACITY
2 INDEPENDENT
COOKING
CKSTAF11MCD0F-013

NOW AWG 499
WAS AWG 699

SAVE AWG 100



TCL
POWERFUL SOUND
PARTY SPEAKER
BLUETOOTH
WIRELESS
BLACK
TP300K

NOW AWG 599
WAS AWG 699,99

SAVE AWG 50



MIDEA
(FNB-PEO) IND SPLIT UNIT 12KBTU
FOREST INV SEER 21 R410
MSAFB-12CFNB-PEO ID
(FNB-PEO) OD SPLIT UNIT 12KBTU
FOREST INV SEER 21 R410
MOX130-12CFNB-PEO OD

NOW AWG 649
WAS AWG 699

MONTHLY AWG 71
SAVE 2 FREE MONTH
AWG 142

SAVE AWG 300



TCL
FRONT LOADER
WASHER/DRYER
10 KG
C210WDTG

NOW AWG 999
WAS AWG 1299

MONTHLY AWG 105
SAVE 2 FREE MONTH
AWG 210

SAVE AWG 400



AKT
MOTORCYCLE SCOOTER 2026
- 150CC - BLACK
AKTAK150ZT6NG-2026

NOW AWG 3799
WAS AWG 4199

MONTHLY AWG 356
SAVE 2 FREE MONTH
AWG 712

Despues di un gira exitoso na Hulanda

Obra teatral “KINGS...come home” lo yega Aruba na september 2026



ORANJESTAD (AAN): Despues di un gira exitoso na Hulanda y cu 14 presentacion den e iconico Apollo Theater na New York, e obra teatral “KINGS...come home” finalmente lo yega Aruba na september 2026.

E obra di teatro “KINGS...come home” ta forma parti di e programa cultural en conexion cu 40 aña Status Aparte y 50 aña di Himno y Bandera. Den e aña di conmemoracion aki, caminda nos pais ta reflecciona riba su desaroyo politiko, historico y cultural, e obra ta contribui na un refleccion mas amplio riba pasado, identidad

y futuro. E ekipa creativo di “KINGS...come home” ta specialmente interesante paso e ta consisti di creatornan cu origen Arubiano y di Corsow, incluyendo e direccion teatral di Ira Kip y di canta-autor Arubiano Michael Lampe, cu a compone e musica pa e presentacion. Pa nan e presentacion na Aruba tin un significado special: e obra ta trata di buscada di bo cas, bo origen y memorianan. Tre-ciendo e obra den e contexto Caribense, for di unda parti di e obra a nace, ta dunele un profundidad importante y ta agrega un capitulo nobo riba

con e historia por wordo interpreta y sinti. Cu su tematica tocando migracion, herencia y comunidad, “KINGS...come home” ta trece arte di tarima internacional den un dialogo directo cu e historia y e realidad cultural di Aruba. Asina e obra no ta solamente un produccion artistico, sino tambe un contribucion na e discusion tocante ken nos ta, di unda nos bin y unda nos ta bay.

E produccion ta un iniciativa di KIP Republic y na Aruba lo wordo presenta den colaboracion cu co-productor Cas di Cultura, cu pa un par di aña



caba ta toca e tema di Aruba su herencia y di e epoca di sclavitud y colonial pa trece conocimiento y concientisacion di nos pasado. E proyecto ta wordo haci posibel pa e Comité di Conmemoracion di Pasado di Sclavitud y Fonds Podiumkunsten.

E presentacion lo wordo interpreta den un variacion di idioma — Papiamentu, Ingles, Hulandes, Tigrinya y Kikongo — caminda cada actor ta papia den su propio lenga materno.

